

კვირისმკვირი.

28

ფასი 25 კპ.



№ 11

წელიწადი მეორე.

# ცხოვრება

ორკვირული სამეცნიერო, სალიტერატურო და საპოლიტიკო ჟურნალი.

ფინანსი.



1. ჯალ. ფრანკელი (ალექსანდრე თევდორეს ძე ყიფშიძე).
- 2) ჩანგი, ლექსი აკაკისა.
- 3) ბძობის ცეცხლი, ლექსი თბო-ლი მუშისა.
- 4) გაიგონეთ, ბაღდობო, გაიგონეთ!.. ა. ხაბუ-ლიანისა.
- 5) ბუკისციხის წანგრევებზე, ლექსი, ი. სიხარული-ძისა.
- 6) ძიება, ნ. ზენობნელისა.
- 7) სულის ნავი, ლექსი, მი-ნა რაქველისა.
- 8) სიყვარული, ი. ხუციშვილისა.
- 9) გძნო-ბის ჩანგი, ლექსი, დ. კუხისპირელისა.
- 10) „გზა“, პიესა, სანდრო გურულისა.
- 11) ისევ ბნელა, ლექსი, კ. მიმქრალი-სა.
- 12) რედაქციისგან. №13 კრიტიკა, მიხ. აბრამიშვილისა.
- 14) ილია ლუკას ძე ბახტაძე (ილ. ხონელი.)
- 15) გაბრიელი, ეპისკოპოზი იმერეთისა, ილ. ხონელისა.
- 16) ილია მეჩნიკო-ვი, 17) დეპ. აკ. ჩხენკელის სიტყვა.
- 18) სომხური პრესა, მკურნალი ვასილ წერეთლისა.

1 ივლისი 1916 წ.

(გარდაცვალებიდან 16 წლის შესრულების გამო.)

მ უ თ ა ი ს ი

სტამბა „კომობა“, ქარვასლის ქ., სახლი ჩარეკოვისა.

მიიღება ხელის მოწერა 1916 წელსა

სალიტერატურო, საზოლიტიკო და სამეცნიერო ჟურნალ

# „**სსოპრეპა-ზე**“

რომელიც გამოვა ორ კვირაში, ერთხელ რომანოზ სპ. ფანცხავას რედაქტორობით.

ჟურნალში საუკეთესო სალიტერატურო ძალები ითანამშრომლებენ. წლიურათ ჟურნალი ეღირება 5 მ. ნახევარი წლით 3 მ., სამი თვით 1 მ. და 10 შ., თვიურათ 10 შაური.

წლიურ ხელის მომწერლებს ფულის გადახდა ნაწილ-ნაწილათაც შეუძლიათ.

ხელის მოწერის დროს 3 მ., პირველ აპრილს 1 მ. და პირველ ივნისს 1 მ. ქუთაისში ხელის მოწერა და ნუმრების ყიდვა შეიძლება მხოლოდ რედაქციის კანტორაში (სტამბა „ძმობა“), გორში—ალექსანდრე რამანიშვილთან, ჭიათურაში—პლატონ კილასონიასთან, სამტრედიისში—მინა კობალეიშვილთან, ბათუმში—„განთიადის“ კანტორაში, საჩხერეში—სიმონ გაჩეჩილაძესთან, ბაქოში—მეთოდე კაკაბაძესთან და პეტროგრადში—ალექსანდრე არაბიძესთან...

ფული უნდა გამოიგზავნოს ამ მისამართით: Кутансь. Роману Спиридоновичу Папцхава.

საპოლიტიკო, სალიტერატურო, ყოველდღიური გაზეთი

# „**მეგობარი**“

მიიღება ხელის მოწერა 1916 წლისთვის.

წელიწადში ღირს 9 მან., ნახევარი წლით—5 მან.. სამი თვით—2 მ. 3 აბაზი., თვეში—18 შაური, ცალკე ნუმერი ყველგან—შაურათ.

წლიური ფასის შემოტანა შეიძლება ნაწილ ნაწილათ: ხელის მოწერის დროს —3 მან. ნახევარი, 1 აპრილს—3 მან., 1 აგვისტოს 2 მან. ნახევარი.

ნახევარი წლის ხელის მომწერლებს შეუძლიათ ორ ნაწილათ შემოიტანონ ფული: პირველათ—3 მან., 1 აპრილს—2 მან.

წლიური ხელის მომწერნი მიიღებენ პრემიათ

**გ. მაიაშვილის** ნაწერების კრებულს.

ორგანიზაციული საბოლოო, სალიტერატურო და სამეცნიერო ჟურნალი.

## † ალ. ფრონელი

(ალექსანდრე თევდორესძე ყიფშიძე).

თფილისში, 16 ივნისს, ხუთშაბათს ნაშვადღევის 4 საათზე, როცა სადემუტატო საკრებულოდან შინ ბრუნდებოდა, თავის ბინიდან, რამდენიმე ნაბიჯის მოშორებით, უეცრათ გარდაიცვალა ალექსანდრე თევდორესძე ყიფშიძე, რომელსაც ქართულ მწერლობაში **ალ. ფრონელის ფსევდონიმით იცნობდნენ.**

ვერ შევრიგებთ იმ წყეულ აზრს, რომ ჩემი ნამახანაგარი, სრულიათ ტანმთელი და სიცოცხლით სასვე საშა საუკუნოთ გაქრა ამიერიდან. სამსახურიდან დიდი შრომით დაღლილ-დაქანცულმა გზაში. მეომარივით, ქუჩაზე დალია სული და, როგორც მოკლულ მეომარს ტანზე შერჩება ტყვია-პატრონები, ისე ალექსანდრესაც, როცა ტანისამოსი გაუშინჯეს, უბის ჯიბეებში ამოაჩდა ორი ახალი, ფრიათ საგულისხმო ქართული მოხსენება-პროექტი, თურმე. ერთი იყო გამზადებული, თეთრათ გადაწერილი, მეორე-კი შავათ შედგენილი. მილიოდა თავის ბინაზე ეს დიდი მუშა კაცი, ერთი ლუკმა პური შეეჭამა, რომ ისევ თავის საყვარელ ინტელიგენტურ მუშაობას შედგომოდა და ეს მეორე პროექტიც საჩქაროთ გადაეთეთრებია. მარა არ დაცალდა...

მოკვდა სანაქებო ქართველი მწერალი და მოღვაწე, რომელსაც კალმით ხელში, საქართველოს გაბედნიერებისთვის თავ-დადებულს, ილიასავით, ბევრჯელ თავზე დათენებია. ალექსანდრე იყო ილიასა და თვისი უფროსი ძმის, დიდათ მშრომელი კაცის-გიგოს გაზდილი. ალექსანდრე ილიას სოფლ-მხედველობას პირწმინდათ იზიარებდა და იმასავით დიდი მოყვარული იყო თვისი მშობელი ქვეყნის.

სოფლის ღარიბი ღვდლის შვილი, იგი სუ-

ლით და გულით, მთელი არსებით დემოკრატი იყო, სულ უბრალო, უწყინარი, თავაზიანი და მეტათ ზდილობიანი, საყვარელი კაცი. მარა იგი სხვისგანც მოითხოვდა, რომ მასაც ზდილობით მოპყრობოდნენ. ილიასავით საშაც კერძო საკუთრების დიდი მოტრფილე და დამცველი იყო. ქართველი გლეხ-კაცობა ნამეტანი უყვარდა და სულითა და გულით ცდილობდა ჩვენებური თავადების გასაყიდელი მამული ქართველ გლეხებს შეეძინათ. ალექსანდრეს მეოხებით, საადგილ-მამულო კომისიამ, ცხრა წლის განმავლობაში, გლეხებს შეაძენია 48.000 დესეტინა მამული, ნახევარ მილიონათ ღირებული. არცერთ ქართველს ასეთი დიდი სამსახური ქართველი გლეხებისთვის, ასე ცოცხლათ არ გაუწევია ჯერ. იგი კრიკაში უდგა უცხოელებს, რომ ქართველი კაცის მამული უცხოელებს არ ჩავარდნოდა ხელში...

ეს ტანთ პატარა კაცი, დიდი, ძალიან მტიციე ხასიათის იყო. გულში რასაც ამოიჭრიდა დასაწერათ, გაუთავებელს არ გაუმგებდა. სულ იმაზე ფიქრობდა დღე და ღამე, იმაზე მუშაობდა, იმას ალამაზებდა და აშვენებებდა. და, მართლაც, ჩაუკვირდით მის ნაწერებს: „მთიულეთს 1804 წელს“, „კახეთის ამბოხებას“, „მთის არწივს შამილს“, „დიდებულ მესხეთს“ და სხვებს, რომელნიც ნამდვილ შედეგს წარმოადგენენ ქართული ახალი საისტორიო ლიტერატურაში. ის დიადი და უმწარესი ეპოქები, რომელიც განიკადა უბედურმა საქართველომ მეცხრამეტე საუკუნის დასაწყისს, შესანიშნავი მხატვრულის, აპრიალე-ბული ცეცხლით არი გაშუქებული, პატრიოტულის სულის კვეთებით, სუბუქი და ნიავსავით ცელქი, ცოცხალი მჩქეფარე ენით ასწერს იგი ქვეყნის ამ უდიადეს ტრადიციას და ჩვენი თვალის წინ წარსულს მკვდრეთით აღადგენს...

მოხელეობამ სრულებითაც, ერთ სწუთს ვერ შეუცვალა მას გზა-კვალი, ხასიათი და მიმართულება. პირ-იკით. მოხელის სამსახური მან დიდებულადაც, სამაგალითოდ გამოიყენა და აქ, არქივებში შეკრებილ მასალებზე, ამ შესანიშნავმა კაცმა შექნა და შეადგინა ზემო დასახელებული შვენიერი სალიტერატურო ნაწარმოებნი, რომელიც დიდათ დიდ განძს წარმოადგენს ჩვენი ღარიბი მწერლობისთვის.

ალექსანდრე ტემპერამენტით უფრო ჟურნალისტი იყო. რო ხელმოკლეობა არა, იგი სამსახურშიაც არ შევიდოდა. მარა, აბა, რით ეცხოვრა სოფლის ღარიბი კაცის შვილს? იგიც ხო მისი უფროსი ძმასავით ქართულ მწერლობას ვერ შეაკვდებოდა, რომელიც, საშსავე სიტყვით, თავის დღეში ერთხელაც არ გამაძღარიყო..

ალექსანდრეს ნატვრა იყო, რო ბალი, რომელიც მას ქართლში ქონდა შექმნილი, ისე დაეყ ნებია, ცოტა ხნის შემდეგ, სამსახურს გაცლოდა და იმ ბალით ეცხოვრა.

მაშინ აპირებდა მთელი თვისი არსებით ალექსანდრე მიცემოდა ჟურნალისტიკას და მეც მწერდა შარშან: „მაშინ, ჩემო რომანოზ, შენს ჟურნალს არ მოვაკლებ საისტორიო წერილებს. მე და შენ სემინარიის კედლებში დავიწყეთ ჟურნალისტობა და, ამ სიბერის დროს, დიდი, დიდი რაღაც ათი წელიწადი-და დავგჩენია სიცოცხლე და ეს უკანასკნელი ხანიც შევწიროთ იმ დიდ საქმეს, რომელსაც ვემსახურებოდით მას შემდეგ, რაც ჩვენი თავი გვიცენია...“

საწყალობელი საშა! რაღაც ათი წელიწადი კიდევ დავგჩენია სიცოცხლეო! რა ვიცოდით, თუ ასე უეცრათ გაქრებოდა ეს შვენიერი, ტკბილი ქართველი...

მეტათ მწარე, ლოდევით მძიმე და აუტანელია ჩვენი ცხოვრება. ჩვენი ყოველის მხრით დახშული ცხოვრების სოციალური პირობანი ბევრ მომზადებულ, ნიჭიერ მუშა მოღვაწეს შვა გზაზე კლავს და შეუბრალებლათ, გამწარებით ისვრის იმ სასიამო გზიდან, რომელზეც სიარული გულით სურდა მას. ცამდი მართალია ჩვენი ისტორიკოსი, ბ.ნი ე. თაყაიშვილი,

როცა წერს, „რომ ალექსანდრე დაიღალა და მისი უღროთ, ასე მოულოდნელათ გარდაცვალება უსათუოდ შედეგია მისი დალილობისა საზოგადო საქმეების გამო. ალექსანდრე სხვერპლათ შეეწირა საზოგადო საქმეს...“

ალექსანდრეს არ დაცალდა თავის საყვარელ ასპარეზზე მუშაობა და სრულ ვაშაკილობაში მოგვტაცა იმისი თავი დაუნდობელმა სიკვდილმა. მარა, ვისაც გულწრფელათ უყვარს ჩვენი მრავალტანჯული ქვეყანა და ხალხი, მისი ჭირი და ღიბინი საკუთარ ჭირათ და ღიბინათ მიაჩნია, ღრმათ დარწმუნებული ვართ, დიდათ ძვირფასი ალექსანდრეს სახელი ღრმათ წაუშლელი დარჩება მის ხსოვნაში და დიდი მადლობითაც მოიხსენებს მის მდიდარს ნაშრომს და ნამოქმედარს.

განსვენებული იყო ღვდლის თევდორეს და მგდანა ედილაშვილის ასულის შვილი. დაიბადა სოფელ წვერში, 1862 წელს, იანვარში. ჯერ გორის სასულიერო სასწავლებელში სწავლობდა და მერე, თფილისის სასულიერო სემინარიაში. ამ უკანასკნელ სასწავლებელში მხოლოდ მეოთხე კლასამდი დაყო. შემდეგში კი აღარ მოისურვა სემინარიაში სწავლის გაგძელება, გაათავა მე-4 კლასი და საუნივერსიტეტო სიმწიფის მოწმობისთვის დაიწყო მზადება. მარა აქ ცოტა ბედმა უმტყუნა, იძულებული გახდა გიმნაზიის მე 8 კლასში შესულიყო და ისე მოეპოვებია უნივერსიტეტისთვის საჭირო მოწმობა. 1884 წელს განსვენებული ხარკოვის უნივერსიტეტში შევიდა საისტორიო-საფილოლოგიო ფაკულტეტზე 1888 წელს მან გაათავა ხსენებული უმაღლესი სასწავლებელი და სამშობლოში დაბრუნდა. დაბრუნებისას თფილისის სახაზინო პალატაში შევიდა და, აქიდან მოყოლებული 1906 წლამდი, სულ სახელმწიფო დაწესებულებებში მსახურობდა: ჯერ იყო საგუბერნიო სამმართველოს საქმის მწარმოებლათ, მერე, დანიშნა საგლეხო საქმეთა სკრებულოს მდიენათ და, შემდეგ, რამდენიმე ხანს ახალციხის მომრიგებელ შვა კაცათ. სულ ბოლოს, მოძრაობის დროს, მთავრობამ ქუთაისის ვიცე-გუბერნატორათ დანიშნა. მარა მალე უკმაყოფილება გამოუცხადა განსვენებულს,

და სახელმწიფო სამსახურიდან სრულიათ დაითხოვა, უპენსიოთ და უმუნდროთ.

მთავრობის დაწესებულებებში სამსახურის დროს, განსვენებულმა საუცხოოთ შეისწავლა საადგილ-მამულო საქმე და გლეხთა საკითხი. ალექსანდრეს ბადალი ამ საქმეში ძნელათ თუ სადმე მოიპოვებოდა ჩვენ ქვეყანაში.

ალექსანდრე მწერლობას სულ ახალგაზღობაშივე გულით დაეწაფა. სემინარიის პირველ კლასშივე, კაცის სისხლის მსმელი კუვმინსკის დროს, როცა არსენას ლექსის წაკითხვისთვისაც-კი რიცხავდნენ შეგირდებს, მალულათ მე დავაარსე ქართული წიგნების ბიბლიოთეკა და დავიწყე გამოცემა ხელნაწერი ჟურნალის, რომელსაც სახელათ დეარქვი „ნორჩი ტვინი“. საშა მოთხრობებსაც წერდა ღ ძველი სემინარიელების ცხოვრებიდანაც ათავსებდა ამბებს ჟურნალში.

შემდეგ წლებში, დავიწყე უფრო სერიოზულათ თვითური ჟურნალის „ნატვრის“ გამოცემა, რომელიც საშას სემინარიის გარეთაც მიქონდა, თავის ძმა—გიგოსთან, რომელიც ჟურნალ „ივერიის“, „იმედის“ და „დროების“ რედაქციებში მუშაობდა. ჩვენ ჟურნალს თვალყურს ადევნებდა ანტონ ფურცელაძე, იაკობ გოგებაშვილი, პეტრე უმიკაშვილი და სხვებიც. ჩვენი ჟურნალი მიქონდათ პირველ კლასიკურ გიმნაზიაში, ქალების გიმნაზიაში, გორის საისტატო სემინარიაშიც, როცა ვაჟა სწავლობდა იქ და, ვგონებ, ქუთაისის გიმნაზიაშიაც, როცა ნიკო მარი სწავლობდა აქ.

ახლა მივირს, რატო მაშინვე არ გამოგვრიცხეს მეცა და ჩემი თანამშრომლები სემინარიიდან, სადაც გაბატონებული იყვენ რუსი და ბერძენი ჯაშუშები. როგორც აყროლებული ჰაერისგან გაგიწმენდიათ ოთახი, ორი წლის შემდეგ, ამ ჯაშუშებისგან ჩვენ გავწმინდეთ მთელი სემინარია და, შემდეგ, ფთაც დონივრათ გავშალეთ... ისეთი დიდი წრეები და ვაარსეთ, ისეთი მუშაობა გვაჩაღეთ, რომლის ბადალი არსად საქართველოს არე-მარეზეც არ ყოფილა... აი, ეს დიდი მოძრაობა დასრულდა რეკტორის ჩუდდუკის მოკვლით, რომელმაც

სემინარიის უკანასკნელ კლასიდან პირველათ მე გამომრიცხა, ექსარხოისის პავლეს საქართველოდან გაძევებით და ქუთაისის გუბერნიის მარშლის, დიმიტრი ყიფიანის

მოკვლით...

სემინარიიდან გასვლამდი, ალექსანდრე დიდ დახმარებას მიწევდა, რასაც მე ჩემ დღეში ვერ დავივიწყებ.

ალექსანდრე სტუდენტი იყო, როცა სალიტერატურო ასპარეზზე სამოღვაწეოთ გამოვიდა და მას აქით კალამი არ შეუღერებია. პირველ ხანებში ჟურნალ „ივერიაში“ და გაზ. „დროებაში“ თანამშრომლობდა. ეს მაშინ იყო, როცა „დროებას“ სერგი მესხი რედაქტორობდა. 1889 წელს, ილია ქავკავაძის რედაქტორობის დროს, გაზეთ „ივერიის“ კოლეგიის წევრათ მიიწვიეს. დაახლოვებით ამავე წელს დაწერა თვისი ცნობილი პირველი მონოგრაფია „მთიულეთი“ და რამდენიმე წლის შემდეგ, კიდევ „ამბოხება კახეთის“. გაზეთ „ივერიაში“ თანამშრომლობდა თითქმის 1904 წლამდი. უკანასკნელ ხანებში მხურვალე მონაწილეობას იღებდა ჯერ ჟურნალ „კლდეში“ და, მერე, გაზ. „საქართველოში“.

სახელმწიფო სამსახურის თავის დანებების შემდეგ, ალექსანდრე მთელი თვისი არსებით ჩაება ქართულ კულტურულ - განმანათლებელ დაწესებულებებში და მათ სასარგებლოთ დაუზარებლათ დიდ შრომას ეწეოდა. წერა-კითხვის გამავრც. საზოგადოება და საქართველოს საისტორიო და საეთნოგრაფიო საზოგადოება თავის დღეში არ დაივიწყებენ ალექსანდრეს და მუდამ სანახსოვროთ ექნებათ მისი ნაღვაწლი.

1907 წელს თავად-აზნაურთა საკრებულოსთან დაარსდა საადგილ-მამულო კომისია და ალექსანდრე საქმეთა მწარმოებლათ იქნა მიწვეული. განსვენებული დიდი მუყაითობით შეუღდა მუშაობას. მოსვენებას არ აძლევდა თავის თავს. დიდი ხნის გამოცდილებით შეძენილს ცოდნას ფართო ასპარეზი მიეცა და თავისუფლათ გაშალა ფთა...

განსვენებული დაუზარებლათ აკეთებდა

ყოველგვარ საქმეს, როგორც საზოგადოს, ისე კერძოს, ოღონდ კი ერთიც და მეორეც ერის კეთილდღეობისკენ ყოფილიყო მიმართული.

დაკრძალვის წინა დღით, 20 თიბათვეს, განსვენებულის ბინაზე, ყაზბეგის ქუჩაზე, ნაშ-ვადღევის 5<sup>1/2</sup> საათზე, თავი მოიყარა ღრმით დამწუხრებულმა ყველა წრისა და წოდების ქართველმა საზოგადოებამ. აქ იყვენ „ჩვენი საერთო საქმის ჭირისუფლის“ თანამსახურნი— „დაობლებულ საადგილ მამულთა კომისიის წევრნი“, როგორც მათი გვირგვინის წარწერა მოწმობდა, მისი გულის ზრახვათა მესაიდუმლოე მეგობარნი, როგორც მსკოვანნი, მასთან ერთად ისევე შეზღილნი, ისე ახალგაზღობა. მოსულაყვენ ზემა ქართლის თვალცრემლიანი გლეხკაცნი, პურის თავთავებისგან შეკონილ გვირგვინით და თავს დატიროდენ „მოქირნა ხულე აღექსანდრეს“, განსვენებულის გულთან ასე მახლობელ ახალციხელთა წარმომადგენელნი, მადლიერ ჯავახთაგან, რომელთა მჯჯის ცემას ბოლო წუთამდი საოცარ სიფხიზლით და გულდასმით დარაჯათ ედგა ერთგული ბამულიშვილი. დამწუხრებულ ქართველ კათოლიკეთა წარმომადგენელი, პატრი ლაზარე გოზალაშვილი, განსვენებულის გულითადი მეგობარი, წარმოგეზავნათ თვის მწუხარების გამოსათქმელათ, განსვენებულის სამშობლო სოფელ, სალოლაშენის გლეხკაცობას, პურის თავთავის გვირგვინითვე—„ჩვენ ძვირფას და დაუფიწყარ საშას“ სატირლათ და, მართლაც, რომ ერთი მათგანი ცხარე ცრემლით დატიროდა „გვარის და სოფლის დამწვენებელს“ აღექსანდრეს გაცივებულ ნეშტს. აქ იყვენ, ბოლოს, თვ. ქართულ ყველა დაწესებულებათა საკულტურო საზოგადოებათა წარმომადგენელნი, ქალი და კაცი.

მცირე პანაშვიდის შემდეგ, რომელიც ყოვ. საღვდლო ანტონიმ გადიხადა, ქალაქის ქართველ საღვდლოების მონაწილეობით, განსვენებულის კუბო „საქართველოს“ რედაქციის თანამშრომლებმა და მახლობელ მეგობრებმა ასწიეს და სახლიდან გამოასვენეს. სამგლოვიარო პროცესია ყაზბეგის და იზმაილო-

ვის ქუჩით გაემართა დიდუბისკენ. წინ ჯვარი, დროშები და კუბოს თავი მიქონდათ, შემდეგ, მისდევდა მგალობელთა გუნდი თვ. ქართულ ფილარმონიულ საზოგადოებისა, ზ. ჩხიკავძის ლოტბარობით, მგალობელთა გუნდს, შემოსილი სამღვდლოება, ეპ. ანტონის და არქ. ნაზარის მეთაურობით, საღვდლოების უკან გლეხკაცობას და მეგობარ პატივისმცემელთა ხელით მიქონდათ კუბო ვარდყავილებში განსვენებულ ძვირფას ცხედრით. სამგლოვიარო პროცესია ბელინსკის ქუჩაზე შეჩერდა სადებუტატო საკრებულოს შენობის წინ. აქ კვლავ იქნა გადახდილი მცირე პანაშვიდი, რის შემდეგ, განსვენებულის ცხედარი საგანგებო ღია სამგლოვიარო შეფაძით მოსილ ეტლზე დაასვენეს და ოღლას ქუჩით წაასვენეს. მოსკოვის ქუჩას და ვერის თავდაღმართის ჯვარედინ გზაზე, სამგლოვიარო პროცესიას შეეგება „საქართველოს“ რედაქციის მთელი კოლეგია და თანამშრომელთა მთელი შემადგენლობა. რედაქტორმა, აღ. შანშიაშვილმა რედაქციის და კოლეგიის მხრივ ცოცხალ ყვავილების ჯვრით შეამკო განსვენებულის კუბო.

პროცესიამ ვერის დაღმართით და მიხეილის პროსპექტით განაგძო გზა დიდუბისკენ. გზა და გზა პროცესიას განსვენებულის პატივისმცემელნი უერთდებოდენ. ტრამვაის მოძრაობა, როგორც ვერის დაღმართზე, ისე მიხეილის პროსპექტზე შეჩერებულ იქნა.

დიდუბის ქუჩის თავში, პროცესიას შეეგება დიდუბის ტაძრის კრებული და ამ ტაძრისვე ქართულ მგალობელთა გუნდი, მთ. დიაკ. კ. ჩუტკერაშვილის ლოტბარობით. დიდუბის ტაძრის სამგლოვიარო ზარმა გალავანში თავმოყრილ ქართველობას ამცნო ძვირფას ცხედრის მოსვენების სამგლოვიარო ამბავი. ნაშვადღევის 7 ნახ. საათზე, ძვირფასი ცხედარი შეასვენეს დიდუბის ტაძარში და საგანგებოთ ამართულ ადგილას დაასვენეს. აქ ტაძრის წინამძღვარმა, დეკ. ი. მირიანაშვილმა შესაფერი სიტყვა წარმოთქვა.

სიტყვის შემდეგ, დაიწყო პანაშვიდი ეპ.

ანტონის, არქ. ნაზარის და ქართველ საღვდ-  
ლოების მონაწილეობით. პანაშვიდზე ორი გუნ-  
დი გალობდა, ქართულ ფილარმონიულ საზო-  
გადოებისა და დიდუბის ტაძრისა.

პანაშვიდი სრულ 8 ნახ. საათზე დამთავრ-  
და. მიუხედავად ბინდისა, ხალხი დიდხანს არ  
დაშლილა.

21 თიბათვეს, ძვირფას ცხედრის ჰატივსა-  
ცემათ დიდუბის ტაძარში შეიკრიბა დიდძალი-  
ქართველი საზოგადოება, როგორც თფილი-  
სის, ისე პროვინციებიდან ჩამოსული წარმომ-  
დგენელნი, სხვა და სხვა საკულტურო და სა-  
განმანათლებლო დაწესებულებათა და კავშირ-  
თა. მთელი ტაძარი და გალავანი საესე იყო-  
ხალხით. წირვასა და ანდერძს დაესწრენ მთე-  
ლი შემადგენლობა საადგილმამულო კომისიი-  
სა, ქართლ-კახეთის თავდა-აზნაურთა მზრის  
წინამძღოლნი, თფ. გუბერნიის თ-დ.-აზნ. წი-  
ნამძღოლის თ-დ კ. ნ. აბხაზის მეთაურობით,  
„საქართველოს“ რედაქციის მთელი კოლეგია  
და თანამშრომელნი და დანარჩენ ქართულ  
პერიოდულ გამოცემათა წარმომადგენელნი,  
თფ. ყველა ქართულ დაწესებულებათა საკულ-  
ტურო თა საგანმანათლებლო საზოგადოებათა  
და კავშირთა წარმომადგენლები და მრავალი  
პროვინციის დებუტაციები.

დაკრძალვას დაეწერენ წარმომადგენელნი  
1) ზემო ქართლის გლეხობისგან 2) ზემო  
გომის საკრედიტო ამხანაგობისა, 3) გომის  
სინდიკატისა, 4) „სამშობლოს“ რედაქტორი,  
5) ქუთაისის გუბერნიის ლარიზ სტუდენტთა  
დამხმარე საზოგადოებისა, 6) ქუთაისის ნაცი-  
ონალ-დემოკრატიულ ჯგუფისა, 7) ახალცი-  
ხის საქველმოქმედო საზოგადოების თფ. გან-  
ყოფილებისა, 8) ახალციხის საქ. საზოგა-  
დოების სკოლისა ს. რაბათში, განსვენებულის  
მიერ დაარსებული, 9) ახალციხის კოოპერ.  
საზ. „მესხეთისა“, 10) ახალციხის მამადიან-  
ქართველთაგან, 11) ახალციხის ბეგებისგან,  
12) ახალციხის ქართველებისგან და წარმო-  
მადგენელნი სასოფლო საზოგადოებათა: ალე-  
ლთა, მარტყოფელთა, საგარეჯოელთა, ბრე-  
თელთა, გიორგი წმიდელთა, ახალქალაქელ-  
თა, სალოლაშენელთა და სხვ.

წირვა დაიწყო დილის 10 საათზე. მწი-  
რველი იყო გორის ეპ. ანტონი, არქიმანდრიტებ  
ნაზარისა, დოსითეოსის და ქართველ საღვდ-  
ლოების თანამლოცველობით. წირვის შემდეგ,  
გძობიარე სიტყვა წარმოთქვა ეპ. ანტონიმ.  
წირვის შემდეგ, დაიწყო ანდერძი. წირვაზე და  
ანდერძზე გალობდა ორი გუნდი ქართულ  
ფილარმონიულ საზოგადოებისა და დიდუბის  
ტაძრისა. ანდერძის შემდეგ, სიტყვა წარმოთქვა  
მღ. ვ. კარბელაშვილმა.

ნაშვადღევის 1<sup>1</sup>/<sub>2</sub> საათზე, განსვენებულის  
კუბო გამოასვენეს ტაძრიდან ხელით „საქართ-  
ველოს“ რედაქციის კოლეგიამ, თ-დ.-აზნ.  
გუბერნიის წინამძღოლმა კ. აფხაზმა და განს-  
ვენებულის მეგობრებმა და ქართველ მოღვაწეთა  
პანთეონში გათხრილ სამარის წინ დაასვენეს.  
მცირე პანაშვიდის და ნათესაობის გამოსალმების  
შემდეგ, სამარის წინ სიტყვები წარმოთქვეს:  
„საქართველოს“ რედაქციის და კოლეგიის  
მხრივ, სპ. კელიამ, გაზეთ „სამშობლოს“, რედ-  
აქციის მხრივ ია ეკალაძემ; ახალციხის საქველმ.  
საზოგადოების თფ. განყოფილების მხრივ, დეკ.  
დ. ხახუტაშვილმა, ახალციხის ქართ. მამადიანთა  
მხრივ, ბაღში ბეკ მაჩაბელმა, ახალციხის ქარ-  
თველ საქველმოქმედო საზოგადოების მხრივ,  
მღ. ბ. კანდელაკმა და გურჯაანის შემნახველ  
გამსესხებელ ამხანაგობის წარმომადგენელმა.  
სიტყვების შემდეგ, განსვენებულის ცხედარი  
ნაშვადღევის 2 ს. მიაბარეს მიწას ალ. ხ. ხა-  
ნაშვილის და ი. გოგებაშვილის სამარეთა შვა.

## ჩ ა ნ გ ი

აპაქის დაუბეჯდავი ლექსი. \*)

ლოცვა და ჩანგის ჟღერა ორივე ტყუუბის  
ცალია!

მათი შემქნელ-მშობელი მხოლოთ ძალთა-ძალია.

მათი აკვან-ტახტიცა გხნობაა და გონება;

ორივეს წინაუძღვის ზეგარდმო ჩაგონება.

არც ბძანებას, არც თხოვნას არ ემორ-

ჩილებიან;

ნათლის მფენი წყვილიადში, მნათობს ეცილებიან.

\*) ამოღებულია ს. ს. ს. ს.—მის ახლათ გამო-

ცემულ წიგნაკიდან.

მათი ხელის შეხება წარამართ—ცოდვა!..  
ლოცვა ყველგან, უდროოთ ფარისევლის  
ბოდვა.  
აგრეთვე ჩანგის ჟღერაც არ ვარგა წარ-  
ამარა!..  
მგოსანს, თუ ეს არ ესმის, მესტიერეა, მას-  
ხარა!..

## ბძოლის ცეცხლი.

ბძოლის ცეცხლი, სხივმფინარე—  
სუნთქვა არი სიცოცხლისა,  
იგი არი სხივთა წყარო,  
სხივთა წყარო დიად მზისა;  
იგი დამღერს ცის სიმღერას,  
უკვდავების ღვთიურ ქნარზე...  
და ათთოლებს ყოფნის პანგსა  
დროთა ბრუნვის ნიავე-ქარზე...  
ვერ ჩააქრობს მას ყინული—  
სასიკვდილო ლოდი ცივი:  
თითონ ქნის და თითონ ანგრევს  
ცაში მნათობთ მისი სხივი!..

ბძოლის ცეცხლით გზას იკაფავს,  
წინ მიილტვის შრომის შვილი...  
ბძოლის ცეცხლი ნათლად სახავს  
მომავლისა სხივთ-შლილი...  
შემიყვარდა ბძოლის ცეცხლი,  
სევდის რიდე მიმოვხიე,  
მის სხივებში ტრფობით სული  
გავახვიე,  
გავახვიე!

\*  
\* \*

სიმთა ჟღერით მსურს დაკვესო  
ბძოლის ცეცხლის ნაპერწკალი,  
მოძმის გულში მსურს ავანთო  
ბძოლის ცეცხლის წმიდა ალი.  
მსურს თვით ვიქცე ბძოლის ცეცხლათ,  
ბნელ წყვედიადის დაწვვა რიდე,  
ფთა გავშალო ალათ შლილმა  
მოვიარო კიდი-კიდე!

ბძოლის ცეცხლში დაწვავ ნადველს  
ვერვინ მნახავს ცრემლსა ვღვრიდე!

ოჰ, დემონო, ნუ ხარხარებ,  
მომერიდე,  
მომერიდე!

\*  
\* \*

ბძოლის ცეცხლის აღმი გავხვევ  
შრომის შვილის ბორკილებსა;  
ბძოლის ცეცხლით ამოვაშრობ  
ცრემლის გუბებს, სისხლის ტბებსა!  
ბძოლის ცეცხლში დაწვავ გვირგვინს,  
დღეს, რო მტარვალს თავს ახლრავს,  
ბძოლის ცეცხლით დაწვავ რიდეს  
განთიადს, რო შავათ ბურავს!  
მზე ელვარე  
სხივოსანი,  
პირ-მცინარე,  
ცის მგოსანი  
სამოთხისას გახსნის კარებს...  
და ჩაგრულიც გაიხარებს.

1915 წ.

ობოლი მუშა.

## გაიგონეთ, ბაღღებო, გაიგონეთ!..

ძალიან მიყვარს ყრუ და ჩუმ უბნებში  
მარტო-სიარული. კარგია ასეთ ადგილებში  
ხეტიალი. ფიქრი, აზროვნება აქ თავისუფა-  
ლია. აქ სულიერ საზღოს და მოსვენებას გა-  
ნიცდის კაცი.

არ ვიცი, რატომ ავირჩიე დღეს ჩემი მი-  
ზნის გასახორციელებლათ სასაფლაოვზე ხეტი-  
ალი. მარა ეს ასე მოხდა-კი.

დავდივარ სრულებით დამშვიდებული.  
ძეგლიდან ძეგლზე გადავდივარ და ყოველივე  
წარწერას გულ მოდგინეთ ვკითხულობ.

ღმერთო ჩემო, აქ თელი პოეზიაა.

ხელოვანთა ცოდნა აქაა ფთა შესხმული...  
აი, აქ, ამ ქალაქის განაპირა უბანში, თით-  
ქოს ამით მიცვალებულთა საბინადრონი ერთ-  
მანეთს ეჯიბრებიან.

მე მიყვარს, როცა პატავით ეპყრობიან  
მიცვალებულის ხსოვნას. მიყვარს ის არემარეც,  
სადაც ესენი ასე თავისუფლათ და უდარდე-  
ლათ განისვენებენ, სოფლიო ქირ-ვარამს გა-  
შორებულნი. მიყვარს და შევენატრი კიდეც მათ  
მდგომარეობას. მარა თვით სიკვდილის-კი



მეშინია. მეშინია მიცვალებულისა. არ ვიცი-კი რატომ. ის ხომ არ აღგება?.. ის ხო ჩემზე არ იძიებს შურს,- კიდევ-რომ აღგეს!.. მე ხომ არავარ იმისი დამსამარებელი. დამნაშავე სიკვდილია, სიკვდილი... ის შეუბრალებელია, აი, იქ კბილები, რომ დაუბრქენია და ახლაც ამ წუთში, ამ სასაფლაოვს ხეივნებიდან მალულათ გამოიყურება თვისი საშიშარი, ჩაღრმავებული თვალებით.

ბოროტი.

მგონი, მე მითვალთვალებს...

არა, მე სიკვდილი სრულიათაც არ მინდა. მგონია, თუ არც მოვკვდები. ან რატომ უნდა მოვკვდე? ნაძალადები ხომ არ იყო ჩემი აქ, ამ ქვეყნათ მოსვლა... მაშ, ძალით რატომ უნდა გავშორდე მას. რატომ უნდა მოვკვდე? ეს ხომ უსამართლობაა? ძალმომრეობა სუსტი არსების წინააღმდეგ.

აკი ადამიანი მეფეა, ძალოვანი ყოველ სულდგმულზეო.

ჰო! სიკვდილი ხო სულდგმული არ არის. ის მთელი ქვეყნიერობის და ცის ბოროტ სულთაგან წარმოშობილი შხამია, გესლი თვით ბუნებისა. უჩინრათ მონაგარდე. მარა განსახიერებული საზიზლარი წამება.

ბუნება უფრო ძალოვანია.

მაშ, თუ მოვკვდები, რასაჟირო იყო ჩემი გაჩენა. რა მოვიტანე? რას წავიღებ?..

ჩემი ფიქრები უცფათ ყვავის ჩხავილმა შეაკრთო.

საზიზლარი!..

აქაც, ამ მიწის ქვეშაც, არ ასვენებს ადამიანის ლეშს?!

ჰმ... რა ხარბათ დატრიალებს. ალბათ, მძოვრის სუნი, თუ ცემს.

არა, ეს წარმოუდგენელია... აქ ყველაფერი აყვავებულია: ადამიანის ხელს საუკეთესოთ მოურთავს განსვენებულთა ბინები. ვინ იცის, რამდენი მათგანი დევნილი იყო, ან ამავე სასაფლაოთა მომრთველთაგან, შეძლებულნიც. მარა აქ-კი შეიყვარეს. შეიყვარეს სიკვდილის შემდეგ...

ფარისეველნი.

ნეტა, ცოცხლებსაც შეძლებოდათ ასე თავის სახლ-კარისა და ეზოგარემოს მართვა. წყეული ყვავი... ის კვლავ დაფარფატობს და გულდასმით შინჯავს ირგვლივ ყველაფერს. კიდევ დაიხზავლა... ოჰ, წამება ჩემთვის ეს ხმა?!.. მოვიხედე, დაახლო-კი დავინახე. ერთ ძეგლზე მიმჯდარიყო და ცივ თუჯს, რომელიც ქვეშდებარე მიცვალებულის სახეს გამოხატავდა, თვალებში შავ ნისკარტს უკიკირკიტებდა.

საზიზლარი სალუკმე მძოვრი, თუ ეგონა...

რამდენიმე საათია მე აქ დავდივარ და ჯერ მეთელიც არ დამითვალთვარებია. რამდენი განშორებია ტანჯვას, რამდენი ამოფარებია დედამიწის სქელსა და ცივ მკერდს!..

აქ მთელი ქალაქია. იბადებიან და კვდებიან, კვდებიან და იბადებიან...

ჩემთვისაც დადგება ერთი დღე. არა არმინდა სიკვდილი. ან რატომ უნდა მოვკვდე, ვის რა დავუშავე?..

ეჰ, ვინ მეკითხება!.. სიკვდილი კვლავ გამოიყურება და რაღაც საზიზლრათ მიყვრია ლებს თვალებს.

კიდევ ხმაურობაა, თუ... მარა ეს ყვავი არაა, ეს მესაფლავეა. ერთი, ორი, სამი.—ნიჩბებითა და წერაქვით მოდიან. ისინი ჩემს ახლოს მოვიდნენ და თითქოს ჩემსავე გასალიზიანებლათ, ახლო, იქვე წერაქვი დაკრეს.

—აი, აქ ჯობია.—უთხრა ერთმა მეორეს.

—მეცა მგონია. მიუგო მეორემ.

—არა, ეს მდიდართა უბანია. აქ არ ვარკა. შევინახოთ იმათთვის, იმათ საჩუქარიც იციან. ის ჩვენსავით ღარიბი იყო და ღარიბთა უბანში ურჩევნია.

დანარჩენებიც დაეთანხმენ და უსიტყვოთ გამშორდენ.

მე თვალი გავადევნე მათ.

საბრალონი! ისინიც ხომ ადამიანებია! დღეს, თუ ესენი უთხრიან მათსავე ტოლს სამარეს, ამათაც ხომ ასეთებივე გაუთხრის და დაასამარებს...

ჰო, ასე იქნება. ალბათ, ასეთია ბუნების კანონი.

ახლა გამოვერკვი, რომ ერთ მიცვალებულის ლოდზე ვიჯექი. ვიგძენ, რომ ამით

იმას შეურაცხყოფა მივაყენე და ასადგომათ წამოვიწიე. მარა რაღაცამ ძირს დამქაჩა...

წყული სიკვდილი... უცფათ, ის აიტუზა ჩემ წინ: მოაჯირის რკინას ამოდებოდა ჩემი სამოსელი.

ორგვლივ მიმოვიხედე. სიჩუმეა... ჩემს წინ, ერთ საფლავის ქვაზე, დიდი ჯვარია ამართული. გამკეთებელს ცთა არ დაეკლო, რო კარგი გამოსულიყო. ძირიდანვე ხელოვნური ეკალი ქონდა ახვეული.

დიდ ხანს ვუყურე მე მას. მომაგონდა მისი დანიშნულება. ეკალიც—ეს ბოროტი სისხლის მსმელი. იესოს უმანკო სისხლი ხომ იმან იგემა პირველათ... ეს ჯვარი ხომ ემბლემია წამებულთა!.. მაშ, რატომ არის აქ, ამ სიკვდილშიაც გაუმძღაროა საფლავებს რომ აშვენებს... ღმერთო ჩემო! აღამიანთა გაუმძღრობა საფლავებშიაც არსებობს. ალბათ: უზარ მზარ რკინით შემოვლებული მოაჯირზეა, მხოლოდ ერთი ძეგლია ამართული... აქ ხო ასეული მიცვალებული მოთავსებოდა. აქ ხო თელი სასახლე აიგებოდა. ეს სასაფლავო მართლაც, რო მდიდართა უბანია. ყველა მათგანი თითქოს საგანგებოთ და ერთი მეორეს ჯიბრზე არიან მოართულნი.

მე მესაფლავეთ ავედევნე. მივდივარ გულდასმით და კვლავ ვათვლიერებ ყოველ წვრილმალსაც-კი. ვათვლიერებ-კიარა, ვშინჯავ კიდევ! ვშინჯავ დაკვირვებით და თითოეულ მათგანს ცალ-ცალკე ვაძლევ ბინას ჩემ გულში.

რა დიდი უნდა იყოს აღამიანის გული, რომ ამდენ რასმე იტევს დასაწყისიდან დასასრულამდე?..

წერაქვის ხმა ისმის. ორი კაცი ზევით ისვრის ათხრილ მიწას და სამარე თანდათან ღრმავდება. ისინი გულ-დასმით ებაასებიან ერთმანეთს, თითქოს აქ არაფერიაო. ეს უბანი, მართლაც, ღარიბთა უბანია ისე, როგორც ესაა ქალაქებში, სოფლებში ყველგან.

აქა იქ მხოლოდ წარწერანი, ცივი ლოდები, ჯვრები, ან სადათ და ყვავილებით მოართული საფლავები, ან ასეც არა.

გინდა აქ დიდხანს იყო და, რასაც წარწერაში ვერ ამოიკითხავ, სწორეთ იმის ამო-

კითხვას თხოულობს გონება. ამ სადაობაში და, აი, ამ მიზნით თითოეულ მათგანს ცალ-ცალკე ვათვლიერებ.

„აქ განისვენებს №. დარჩა ხუთი შვილი ზე ცოლი უმწყეთ“. წერია ერთ ქვაზე.

„დედის ერთა იყო. მისგან მოვლოდა უბედური მშობელი ლუქმას და სამშობლო იმედს“. წერია მეორეზე.

„შენ იყავი გახორციელება წამებულთა ფიქრებისა. შენში დავკარგეთ საუკეთესო მოქალაქეთა თავდადებული მეზობლი“.

„1904 წლის სხვერპლო! გმირულათ დაცე ბძოლის ველზე. შენ ვერ ეღირსე შენგან დაწყებულ საქმის დავკარგინებას. მარა ჩვენ განვაგძობთ მას და საფლავში გამარჯვებას ჩამოგძახებთ“... და კიდევ სხვა.

მოსალამოებუდიყო. უცფათ, სახარელი ხმა შემომესმა... მწვანე ბალახებ შორის, სამი საფლავი შევნიშნე, რომელსაც ვილაც გამხდარი, შავებით შემოსილი მანდილოსანი დაქვითინებდა.

უბედური დედა!.. ცრემლებს მდინარესავითა ღვრიდა და გულამომჯდარი უიმედოთ და გამწარებით ჩაძახოდა შვილებს: „გაიგონეთ, ბალღებო!.. გაიგონეთ... უბედური დედათქვენის ხმა... მამათქვენი ბძოლის ველზე მოუკლავთ და ამის სათქმელათ მოვედი“.. ხმა მიწყდა, ქალიშვილების საფლავებს გადააწვა ზე დიდხანს არ იძროდა.

დროებით ჩემმა გულმა სისასტიკე გამოიჩინა... სიბრალულის შავიერ, იგი გაქვავდა და სმენათ გადაქცეულს, კვლავ მინდოდა გამეგონა ამ ქალისგან ასეთები და უარესი სიტყვებიც კიდევ. მარა ეს დროებითი იყო. სიბრალულმა ჩემი სისასტიკეც არია ზე ჩემი თვალებიც დანამა ცრემლებმა.

ქალი კვლავ ღუმდა. მეტის მოთმენა-კი შეუძლებელი იყო. მივედი და რამდენიმე ხნის შემდეგ, მოსულიერებული წამოვაყენე.

—რატომ ტირი, დედა? შენ ხო პირველი არა ხარ?..

—კი, პირველი ვარ... ყველანი ცალ-ცალკე პირველი ვართ ჩემს უბედურობაში... მზე მიიმალა... ღამემ ფთები გაშალა და

შავ ჯოჯოხეთად გადაეფარა არემარეს. გაზაფხულის სიომ ხომლის მწვერვალიდან წამოდებული ახალი მთის ნაზი ჰაერი გადაატრია ობოლთა და ტვირთმძიმეთა საფლავებზე, თითოეულ მათგანს ცალ-ცალკე მიუალერსა, რაღაც ჩაჩურჩულა და მდიდარ ქალაკებისკენ დაეშვა...

მესაფლავეთა გული უკვე შეჩვეოდა ბუნების სისასტიკეს. არვიცი-კი, რაიგძნო იმათმა გულმა... მარა შრომ-კი არ შეუწყვეტიათ და სახვალთ სხვერპლს სამარეს უმზადებდნენ გულდამშვიდებულათ...

ა. ხაბულიანი.

## ბუკისციხის ნანგრევებზე.\*)

ნანგრევთა შორის, მარტოკა ობლათ დავეხეტები, როგორც აჩილი... აქ მყუდროებას არავინ მირღვევს, აქ სიჩუმეა და მხოლოდ ძილი, ცივს ღუმელს აფრქვევს ციხისა სახე, მოპირქეშული და დაღვრემილი. გველები ქვებში ფთხილათ დაცოცვენ, აქ ფრინველებსაც იპყრობს ღუმელი. აგერ, გარღვეულ ციხის ზღუდებზე, ყვავილი ვნახე, გუშინ გაშლილი, დღეს-კი დამკვნარა, დღეს აღარ მოჩანს, გამქარალა ქვებში ფოთლებ დაყრილი... ასე იმედთა ნანგრევებ შორის, შვება ჩემ გულშიც გაიფუჩქნება, მარა ფერმკრთალი, უნიადაგო, მალე, სულ მალე ისევა ჰკნება... მიყვარს მე ციხე, ჟამით ძლეული, მიყვარს კედლები ჩამონგრეული. მხოლოდ აქ ძალიძს, რო გადაფურცლო დანთქმული სიყრმის ტანჯვის რვეული... მიყვარს ეს ციხე—ის ძეგლი არი ჩვენ წინაპართა მძლეოთა მძლობის, მტერთან იმათი მედგარი ბძობის, მათი გმირობის, მათი მხნეობის... მარა დღეს, რას გავს?... ვით ყველაფერმა—იმანაც ქედი ჟამს მოუხარა, მას მოგონება არ უფთხოვს ღრმა ძილის-ის ნანგრევთ შორის დასამარა.... მეც ნანგრევი ვარ იმედთა კოშკის—სიყმაწვილის ჟამს აშენებულის, მაინც ვერ ჩავკალ მათ ნანგრევებში ხსოვნა წარსულის, -ამშლეი წყლულის... და დღეს ძეგლი ვარ სედა —ნაღველის, ჩემს სახეს აზის ნათლად წარწერა: „რომ არვის ძალუმს განვლილი ჟამის შემობრუნება, ისევ დაქერა, სულის სიცივემ გაყინაგული, აწ აღარ ძალ-უმს იმედით ძგერა, მარა ოხერ გულს, დაუდგომელს, ეს მაინც არ სწამს, მაინც არ ჯერა.

ი. სიხარულიძე.

ბუკისციხე- გურია. მაისი, 1915 წ.

## ძ ი ე ბ ა.

ავაზაკივით დევნილი დავეხეტები ტყესა და ღრეში და დავეძებ სამლოცველოს ისეთს, სადაც ჭეშმარიტების მღალადებელნი ციურ სავალობელს მოასმენდეს ტვირთ მძიმეთა და დაბეჩავებულთ.

მე მსურს ცხოველ ლოცვებით დავემხო მის წინაშე და ვთქვა ლოცვები აგზნებული მზიურ ზრახვათა და ფიქრთა ჩემთა, რომელიც იფერფლება დღეს დაუსრულებელ ღამეების თევაში და მწვავე კაემნობაში.

შემოლამების სიმღერებში, ვით მივეცე თავდავიწყებას. როგორ დავატებო და მოვას-

\*) ბუკისციხე-სოფელსა აღმოსავლეთ გურიაში. ამ სოფელში თამარის ციხეა, რომელსაც ბუკისციხეს უწოდებდნენ. ავტ.

ვენო სული ჩემი ეული შეჩვენებული და განწირული კაცთა სიავეთა შორის. სად ვპოვო, სად მშვიდობა და სიამე სულისა?

ოხ! ვინ იყავ, ვინ, რო წაგვართვი საუნჯე ჩენი. ან ვინ იყავ, წყულო არსო, რომელმაც დაგვადე კლიტე ღუმლისა და უღელი მონობისა და ვინა ხარ. ახლაც, შენ, რომელიც გოლგოთას მთაზე გვაზიდებ წამების ჯვარს და რომელიც ჩენივე ხელით გვაწვრივს საბედის-წერო სისხლიან სტრიქონებს... ვინ იყავ წინათ და ვინ ხარ ახლაც შენ, შავო აჩრდილო ბნელეთისა და სიკვდილისა?!...

რათ გველობები წინ, რათა გსურს დაჩდილო და დააბნელო მზე, მზე ყველასთვის თანაბრათ მანათობელი და სიცოცხლის მომნიჭებელი?

ან შენ, მეუფეო ჭეშმარიტ, ადამიანურ ქმნილებათა გამომსახველო, რათ არ ისმენ შენივე მფარველობის ქვეშ მყოფთა ხვეწნა-მუდარას, რათ არ ექომბებები მათ? ნუთუ მათი დამცირება, მათი გულის სიღრმიდან აღმომსკდარი კენესა-ქვითინი თქვენამდი ვერ აღწევს? ნუთუ ის თოკი, რომელიც ჩვენმა წინაპრებმა სულის თთოლვით გამოაბეს საუკუნეთა სამრეკლოზე ჩამობმულ ზარს, შენ არ გამცნობს ჩვენს წუხილს, ჩვენს მწარე თავ-გადასავალს?!..

და, თუ ყოველივე გესმის, რისთვის არ გვექომბებები, რისთვის არ მიგვიძღვი წინ დასამხვრევათ იმ ზღუდეთა, რომელიც აღმართულია ჩვენს წინ, ბოროტების ხელით, ბოროტების ცფიერი შემოქმედებით...

გამოგვეხმაურე, მეუფეო კაცთა არსებობისავ. გაგვეცი ხმა შენს თაყვანის მცემელთ. და შეიწირე ჩენი წმიდა შესაწირავი და აღგინთე გულში ძლიერი, დაუშრეტელი ცეცხლი ახალ ცხოვრების შექნისა.

მე, შენი სახით, მესიზმრება ამ ღამის წყვილადში თეთრ-ფთიანი სიზმარი, რომელსაც სულის სილადით ვხვდები და სულის ტკივილით-კი ვეთხოვები—მას.

ღამის შავ სიბნელეში შენ მყავხარ ნუგეშათ, შენ მასულღებულვებ, დიდების სახევი.

განთიადიდან შემოლამებამდი-კი ჩემ-თანამოძმეთა კენესა-გოდებით ვითვისებ ქარიშხალისებურ წინამდევობათა უძლეველ სტიქიას. მე თანამოძმეთა შორის ვიფარავ ჩემ თავს... და იქ ვივიწყებ ყოველივე წუთიერს და მივყვები უხილავის მგზნებარე სიმთა კენესას... მე ვმღერი ამ სიმთა დამატკობელ რხევაში გულწასულ ჰანგებს... ჩემს მოწამებრივ ჰანგებში მსურს ამეტყველდეს ყოველი არსი, უსულონი და სულიერნი. დაე, დალადებდეს თვით ქვათა ბაგენი, დაე, ჩემს მწუხარე ხმაში გაკვივდეს უხილავის ძლიერი ძალა, დაე, ჩაღერდეს ფოთოლთა ქნარი წმიდა მორცხვობით აღსავსე ფსალმუნებს...

თვით უკიანის ქოთქოთა ზვირთებიც ჩემში პოვებდეს გამოსახლებას, დაე, მკვდართა სულებიც ჯოჯოხეთურ მოწამებრივობით ამქუხრდენ, ამ უსწორ-მასწორობის წინამდევ, რომელიც ახლა სულს გვიხუთავს.

მე ეს ასე მსურს... მე ვუგალობ-თავისუფლებას, სიყვარულს...

მე ვუგალობ შევენების წალკოტს, წალკოტს უქნობ მზეთა, წალკოტს ყვავილოვან სიტურფეთა... მე ვერ ვითვისებ ნაცრის ფერათ მომღიმარ მზეს, ავარაყებულ სხივთა ჩანჩქერებით. მე ვეტრფი ჩემი მკენესარე გულის თქმით ამაყურ და გმირულ მელოდიებს. მე მინდა შევანგრიო ციხის კარები, სადაც ჯალათთა ხელით ტყვეთ უქმნიათ ჭეშმარიტება და კაცთათვის წაურთმევიათ უფლებანი...

და როგორმე გავათავისუფლო მუღმივ ტყვეობიდან...

მე მივდივარ... რო მივადგე სამოთხის კარებს, და შევალო კარები მისი ათთოლებულ სიმთა კენესით და დავასვენო იქ დიადი დროშა ძიებისა, სისხლიან სტრიქონებით ამოქარგული და დაფარული... დაე, წაიკითხოს თვით კაცთა შემოქმედმაც უსტარი ჩენი გაჭვირებისა. დაე, თვით ღვთაებაც ხედავდეს სინამდვილეს. თვით იმანაც დაინახოს ფარდა ახდილი სახე ჩენი განსაცდელისა და ტანჯვისა...

მე იქ მივიტან საყვირს სამგლოვიაროს და ავამგლოვიარებ ედემურ სამფლობელოს...

მე იქ მივიტან უმიზნოთ და უდროოთ დამქ-  
კნარ ყვავილებს...

მე იქ მივიტან წმიდა სიყვარულის ზვა-  
რაკს, შესაწირავს. დაე, ისწავლონ—სიყვარუ-  
ლის დანიშნულება, არა ცფიერული, არამედ  
წმიდა ღვთაებრივი და მოწამებრივი... უკანას-  
კნელათ-კი მივიტან ხალხის გულიდან აღმომ-  
სკდარ წყევას და გმობას და დავასვენებ იქ,  
საკურთხეველში, რო მან თვისი ღაღადისით  
არ მისცეს მოსვენება თვით შემოქმედსა...

და, თუ ეს შევძელი, მერე-კი სხივთა  
კოკონით აგზნებული, სასხვერბლოზე ავიტან  
ჩემ დატანჯულ სულს და დავწვავ მას საქვეყ-  
ნოთ... დაე, დაიწვეს... ძიებაში სული ჩემი..

დაე, ყოფნის სიმწვავემ გამოაქანდაკოს მასში  
ძიება ჭეშმარიტებისა და შეურყეველი ძეგლი  
დაუდგას მას საუკუნოთ...

ნ. ზენობნიელი.

1916 წ. 25 მაისი.

### სულის ნავი.

ა.

კრემლი მოჩქევს... მწუხრის სიო  
დასისინებს სისხლის ზღვაზე  
ღ მის ზვირთებს, სისხლის ზვირთებს,  
უზნათა შლის ქვეყანაზე.

მიწა-კი სდუმს-ის უგძნა,  
მხოლოთ ისმის სულის კვნესა,  
ნათელს მუსრავს ბნელი ძალა,  
სიკვდილი გმობს სიცოცხლესა.

იქედება მონის ხუნდი,  
იფერფლება მაშვრალთკერა;  
ალ-ქაჯთ მიაქვთ ქვეყნის არსი,  
სულის ლტოლვა, ბედის წერა.

სისხლის ტალღებს მიაქვს დროშა  
აღივლივებს ობლათ შთენილს,  
სულს უყვივის, უძღვევ კვერთხით,  
მიწის სტუმარს, ცით აფრენილს.

ბ.

ცა-კი ელავს... ცის ლაყვარდში  
იკრიცება რიდე შავი;  
ცის კრემლთ ზღვაში, ფირუზ ზღვაში,  
მიმოკურავს სულის ნავი.  
შიგა მჯდომი ცეცხლსა კვესავს,

ელვასა ქმნის თვალთა ჩენა,  
ცის მეხთ ლაშქარს საბძოლველათ  
მოუწოდებს სულსაზენა.

და ცეცხლის მფრქვევ უძღვეველ კვერთხს  
ატრიალებს ბძოლის ველზე,  
გძნეულ ისარს შხამში ფერავს  
ალ-ქაჯთ სტყორცნის კუბრის ბქეზე.  
ისმის გრგვინვა... ჯოჯოხეთის  
ბურუსსა წვავს ელვის ზოლი,  
შავ ემბლემას რისხვით დასტეკს  
ცეცხლის მეხი, ციდან მსრბოლი...

ნავი მიქრის, ალიონის  
სხივებს უძღვნის ქებათ ქებას,  
მუსრავს წყვდიადს, ედემისკენ  
მიაქროლებს სულითა კრებას.

მინა რაქველი.

### სიყვარული.

რათ უცემს გული გამალებით ამ ვაჟს და  
არის იგი სიხარულით აღსავსე-აღერსიანი, ან  
რათ მოიღუშვის იგი, კაემან-მრისხვანებათ, რათ  
ივსება შემოდგომის ცასავით დროგბით?  
უყვარს ტურფა ასული... და გულის  
განცდაა იგი!

რათ მუშაობს ასე გამალებული ეს მუშა  
და ხმარობს იგი ბარს, თოხს და ცეცხლს დაუ-  
სვენებლივ, რათ იწურავს ცხელ ოფლის ღვარ-  
თქლს დანაოქებულ შუბლისგან?

უყვარს ოჯახი თვისი და სურს ლუკმა  
გემრიელი მიაწოდოს მას!

რათ არის ეს ვაშკაცი დამქკნარი უდროოთ?  
სადაა ფერი მისი საამო, სიცოცხლის ცეცხლი  
თვალეებში, მომცინარობა ტუჩებზე, სიმკვირცხ-  
ლე ყოველივე მიმოხვრაში და რაზე დაფაქრ-  
ებულია იგი ღრმით?

უყვარს მეცნიერება და მას შეწირა  
ყოველივე მწიანობა თვისი!

რათ ტირის ღედა გულის ასაკვნესაბლათ  
და უკიყინებს თვის თავს უბედურობას, უიღბლ-  
ობას? რათ იხოკს სახესა თვისსა ჩვილ ნახს და

იღლეჯს დალალ-კულულებს შევენებასა თვისა?

უყვარს შეილი თვისი ღ წინაგძნობა  
აუწყებს მის დაკარგვას!

რათ მიილტვის იგი კაცი ტყის წიაღისკენ და მიუბყრობს ყურს პიტალო ხავსით მოსილ კლდიდან-კლდეზე მჩქეფარე ბროლის ჩანჩქერს, ძირს, ქვევით უმწიკვლო ქაფათ ქცევა, რომ უყვარს და მოწონს? რათ უმზერს ამომავალ მზეს, ბწყინვალების შარავანდედით გარემოცულს და ადევნებს თვალს შევერცხლილ თვარეს ღრუბელთა შორის ეულათ მოხეტიალეს და ვარსკვლავთა კრებულს, ცის კიდითა კიდემდი მიმოზნეულთა? რათ შლის ვარდის კოკორს

და ეწაფება გატაცებით თაიგულსა შეენიერს?  
უყვარს სილამაზე და ილტვის  
იგი მართა მისკენ!

რათ ითფობს ეს გლაზაკი დახეთქილ ხე-ლებს, ილლიებ ქვემუშუტებათ რომ ამოუდვია და იფარებს თვის მრავალ ნაჭერ და მრავალ ფერ ფლასს ტიტველა კანზე და ეხვევა შიგ? რათ აკაკუნებს კარს ყოველივე სახლისას, და რათ თხოვს, მიცენ მას ბინა რამ მცირე თავ-შესაფრათ ამ ცივ ავდარში?  
უყვარს სიცოცხლეს და შიშობს,  
განეშოროს მას სამუდამოთ!

ი. ხუციშვილი.

ქალ. დუშეთი. სოფ. ოძისი.

### გძნობის ჩანგი.

ხან სევდიანს, ხან მომღიმარს ხელთ მიპყრია გძნობის ჩანგი,  
და ზედ ისმის ორ-ხმოვანი, ხან სევდის, ხან შევების ჰანგი...  
ხან ბანს ვაძლევე, ხმას ვუერთებ მომავალის ტკბილ მოძახილს,  
ხან ყურს ვუბყრობ კენესა-გმინვას, ერის გლოვით გამოძახილს.  
სული შფოთავს, გული დაკვნესს ძირს დაცემულს მაშვრალთ ბედსა,  
ზიზლით გაცქერს მონის ხუნდებს, მონისავე განაქედსა.  
წელში მოხრილ შრომის შვილებს დახარხარებს მჩაგვრელთ გროვა,  
ბუნების ლალ სარეცელზე ხარობს, ტკბება მგელკაცთ ხროვა!  
სოფლის შხამით განამწარი, ცისკენ ვილტვი, მიწის შვილი:  
მსურს დავაშრო ცრემლის გუბე, მსურს გავწყვიტო ჯაჭვი სხვილი!  
ხან შემიპყრობს მწარე ფიქრი, თვალს ვუშტერებ ტყე-მიდორ-ველს,  
ის-კი მხოლოთ სისხლს მიჩვენებს, მიორკეცებს შხამს და ნალველს!  
მარა ამ დროს... გამიტაცებს სხვა ოცნების ტახტრევანი,  
გულს აღმოხეთქს სხვა იმედი, სულ სხვა გძნობის შადრევანი....  
სული ხედავს შევების წალკოტს, თვალწინ მიდგას გარდაშლილი;  
მოიძღერის მომავალი, სხივის ფრქვევით ფთა გაშლილი:—  
მოვალ, მომაქვს ახალი დრო, დასათურგვნათ მტარვალთ გუნდის,  
სხივის კონა ჩაგრულთათვის-დასამსხვრევათ მძიმე ხუნდის!..  
გონება გულს სალამს უძღვნის, ამუსიკებს გძნობა ენას,  
ოცნება ფრენს და ულოცავს სულსაც შევების აღმოფრენას!  
ამ იმედით აყვავებულს, ხელთ მიპყრია გძნობის ჩანგი,  
და ზედ ისმის ორ-ხმოვანი, ხან სევდის, ხან შევების ჰანგი.

დ. კუნისპირელი.

„გ ზ ა“

პიესა 4 მოქმედებათ და 5 სურათათ, სოფლის ცხოვრებიდან.

მოქმედი პირნი.

გიორგი-35 წლ. სოფლის სკოლის გამგე—მასწავლებელი.  
 სანდრო-25 წლ. მეორე მასწავლებელი.  
 ელო-22წლ. მესამე მასწავლებელი.  
 სამსონ ზემოურელი-29 წლ. სოფლის ფერშალი.  
 დავით მოჩხუბარიძე-26 წლ. აზნაური.  
 სიმონ კეთილაძე-30 წლ. გლეხი.  
 ნინო-45 წლ. სიმონის ცალი.  
 გერმანე-28 წლ. ამათი შვილი.  
 ქეთო 18 წლ. გერმანეს და.  
 თედორე შრომაძე-31 წლ. სოფლის მეურნე.  
 გოჯასპირ ფარაძე-50 წლ. აზნაური, ყოფილი მილიციის „პრაპორშჩიკი“.  
 აპო 28 წლ. გოჯასპირის ვაჟი  
 თამრო-21 წლ. აპოს და.  
 სევასტი ღორმუტელაძე-35 წლ. სოფლის ჩარჩი.  
 ექვთიმე სემაძე-38 წლ. სოფლის მამასახლისი.  
 თეოფილე კუჭიძე-სოფლის მწერალი.  
 მარინე-45 წლ. კეთილაძის მეზობელი ქალი.  
 გლეხები: გლახუნ, პეტრე დ ივანკა.  
 სოლომონ-სოფლის ახალგაზდა—  
 სკოლის მოსამსახურე, ორი ნოქარი,  
 გადამხდიელი.

(მოქმედება წარმოებს გურიაში)

მოქმედება პირველი.

(სოფლის სკოლის ეზო. მარცხენა მხრით მოჩანს სკოლის აივანი, მარჯვნივ—ორი ღუქანი შემდეგი წარწერებით: პირველზე—„კოოპერატიული სავაჭრო „წინ“, მეორეზე—„ბაკალინის მაღაზია სევასტი ღორმუტელაძისა“. ღუქნებსა და ეზოს შვა გადის სასოფლო გზა. ეზო შემოღობილია „რეიკებით“. შვა ადგილას დიდი მუხა, რომლის ქვეშ, სასადილო სუფრა დგას, რამდენიმე სკამებით. ფარდის ახდისას, სუფრას უხსნადნა გიო-ოგი და დავით და ნარდს თამაშობენ. სანდრო მიწოლილია მუხის ძირას, „ემშაჟის მათრახს“ კითხულობს და იღიმება. კოოპერატიულ სავაჭროს წინ, ტასების ქვეშ სკამეიკა გაკეთებული იქვე დგას რგვალი მაგი-და, რომელზეც აწყვია ქალაღები, საანგარიშო, საწერ-კალამი და საწერელი. სუფრას უზის გერმანე და ჩოთქე ანგარიშობს. ღორმუტელაძე თავის მაღაზიის წინ. ზის და დავთარს ათვალიერებს.)

გერმანე (სავაჭროსკენ). სეფე, სეფე! (სეფე სავაჭროს კარებში გამოჩნდება). სეფე, თუ ძმა ხარ, დახლზე რო შემოსავალ-გასავლის წიგნია,

მომიტანე! (სეფეს გამოაქვს წიგნი, სუფრაზე დებს და უკან გაბრუნდება).

სევასტი (გერმანესკენ). ჰმ! აი, გლახის შვილი, აი! ერთი შეხედვით, რავა პრინცსავით დამჯდარა და ანგარიშობს! შეიცათ, შეიცათ, ბიძია. მე თქვენ გაჩვენებთ. ვინაა სევასტიე ღორმუტელაძე. ბიჭი არ ვიქნები, თუ აღრე არ მიგიფუჟე მთი კოოპერატიოა, თუ რაცხა ჯანდაბა. (თავისთვის) გინახავთ ვინმეს მაგისა-ნაი? სულ გამინიორწყალდა ვაჭრობა! ნისია-თაც აღარავის მიაქვს. არა, რაცხა, თუ არ მოუხერხე მაგ კოოპერატიას, წახთა ჩემი საქ-მე და, აია! მარა, რო ვეფერი მოუხერხე? რამდენს არ ვხლავოთობ, რამდენს... მარა ერთი მუშტარიც ვერ ჩამუაშორე. აიო და ეს ჩვენი ღუქანიაო, იქო ყველაფერს იათათ ვყი-დულოფთო, შენ ტყავს გვაძროფო, მეტს გვახდევეფო და, რა ვიცი, რას არ ბოდავენ. არა და თქვენმა თავის გახეთქამ, ტყვილათ მოგართმევთ! ჰმ, ჩვენი ღუქანიაო! გერმანაი, თედორე და სიმონაი ძღებიან და ჩვენი ღუ-ქანიაო. თქვენი ღუქანია ბოლოკის კული. მე და ჩემა ღმერთმა, ძალიანი-კი უთქვამს, ვიცხამ თქვა-ხალხი ქურიაო, რასაც ჩაძხეფ, იმას ამოგძახეფს. (მის წინ გაივლის გლახუნ, თავს დაუკრავს და კოოპერატიულ სავაჭროსკენ მი-დის).

ბატონო გლახუნ, საით გაწით მაქით?

გლახუნ. აქანაი მივალ, აგერ, ჩვენ ღუქან-ში. ბაღანაი მყავს რაცხა ავით და ცოტა რა-ლაცაი მინდა წევილო.

სევასტი.—კი მარა, კაცო, რავა აი ცოტა რალაცაი-მეც ქი მომეძებნება და რალაი იქინე მიხვალ?

გლახუნ. -უფულოთ, ჩემო ძამია, არც შენ მომცემ რამეს და არც იქინე მომცემენ. ფუ-ლით-კი, საცხა მინდა, იქინე ვიყიდი. (შებრუ-ნდება და სავაჭროსკენ წავა).

სევასტი (მიმავალ გლაგუნს). გლახუნავ მეთქინ, გლახუნავ, მობრუნდი ერთ წამში, სიტყვა მაქვს, სიტყვა, მობრუნდი! გლახუნავ, მობრუნდი, გირჩევნია! (გლახუნ სავაჭროში შედის) ხომ კი? შენი ფშიკორიე ფხეები მამა-

ნიე, თუ ერთი ძალიანი არ მოგბრეგვე ამ ცხელ გულზე! აპა, ვნახოთ, ვნახოთ! რაღაი სევასტიე ვარ, თუ შენისნაი მათხოვრები არ მოვარჯულოე. გინახავს კაცს მაგისნაი? აფერი პატივისცემა მაგათთან არ გადის. ფული დაჭარდება ვინმეს, არ ვუკავებ, ყველას ხელს ვუწყოფ, ყველას ვეხმარები. მარა ჩემი მადლოერი მაინც არ არიან და არა. სევასტიე ტყავს გვაძრობსო, ნამთავნს ბევრს გვახდევინებო და, რა ვიცი, რას არ ამბობენ! ჰმ, ცოტა ნამთავნით ფულს ვიძლევი და იმისი მადლობელი არ არიან. სწორეთ გადირია ხალხი, გადირია! ამ გლახუნას ხო მაინც უნამთავნოთ ვასესხე, აგერ, სამი თვეა, სამი მანათი? ვიფიქრე, ფულს ვასესხებ, პატივს ვცემ და ჩემთან რაღა არ ივაჭრებს-მეთქინ. მარა ჭირმა არ წაგიღოთ, იმის მეტი, არც პატივისცემა გავიდა მაგასან, არც აფერი. მარა ახლა, თუ არ მომცა ჩემი ფული, რომ მოვჯდები კისერზე, სულ ტყავს ავაძრობ! (გლახუნ გამოდის სავაჭროდან, ხელში ნავაჭრი უკავია და ღორმუცელაძის მალაზიის წინ გაივლის. ღორმუცელაძე შეირბენს მალაზიაში, გამოიტანს ბოქლომს, მალაზიას დაკეტს და გლახუნს უკან გამოუდგება. (ცოტა ხნის შემდეგ, კულისებიდან მოისმის):

— „ფული მომეცი, გლახუნავ, ფული, რომ გამართებს, თვარა ეგაა, მოვედი“.

— „სევასტიავ, სადამაქვს ახლა სამი მანათი? ვიშოვი, კაცო და მოგცემ!“

— მომცემ; მე არ ვიცი! ახლავე ფული, გელაპარაკები, ახლავე მომეცი, თვარა მე ვიცი შენი! მაშ, არ იძლევი, არა? აპა, შე, ძაღლო, შენა, ესეც შენ! შენ გლახავ, შენა! (ისმის გლახუნის ყვირილი): „მიშველეთ, მიშველეთ“. (ყველანი გაოცდებიან, გიორგი, დავით და სანდრო სცენიდან გარბიან.)

გერმანე (წამოვარდება) სეფე, სეფე, შეინახე ესენი, თუ ბიჭი ხარ! (გარბის. გამოდის სეფე, გაკვირვებული იცქირება იქით, სიდანც ხმაურობა ისმის და, შემდეგ, წიგნები და ქალღლები სავაჭროში შეაქვს. ცოტა ხანს სცენა ცალიერია, ხან და ხან სავაჭროს კარებში გამოჩდება სეფე. სცენაზე შემოდიან გიორგი და დავით).

გიორგი. — კიდემ კარქი, რომ დროზე მოვესწარიოთ, თორე შენი მტერია, იმ საწყალობელ ბერიკაცს, მართლაც, დაახჩობდა მაი ღორმუცელაძე

დავით. — დაახჩობდა, ჩემო ძმაო და ახი იქნებოდა მაზე. ფული, თუ მართებს ყაზახს, რატომ არ აძლევს?

გიორგი. — ჰმ, რა კაცი ამბობს? შენ ჩემი, აგერ, ერთი წელიწადია ხუთი მანათი გამართებს, მარა არ დამიხჩვიხარ!

დავით. — ჩვენი საქმე სულ სხვაა, გიორგი ზ მათი-კი-სულ სხვა. შენ, ხან ჩემი გამართებს და ხან შე მართებს შენი.

გიორგი. — არა, ძმაო, არა! მე შენი არას დროს არაფერი მმართებია და არც მემართება. ყოველ შემთხვევაში, კაცის ცემა და ისიც მოხუცებულისა შეუძლებელია, შეუძლებელი!

დავით. — ჰე, ახლა შენ „ნრაგოუჩენიაზე“ ლექციას ნუ მიკათხავ, თუ კაცი ხარ! მე უფრო კარგათ ვიცი, ვის უნდა ცემა და ვის-არა. უმჯობესია ჩვენ საქმეს შევეუდგეთ! (ნარდს აცქერდება) როგორ გინდა-ხელახლა დავიწყოთ, თუ განვაგძოთ?

გიორგი. — რა მენაღვლება, ხელახლა იყოს (ქვებს აწყობენ) გაგორება-კი ჩემია. დუ-შა-ში (კამათლებს აგორებს) ფუ, დუ იაქე! (თამაშობს).

დავით — (კამათლებს კოცნის). თქვენ გენაცვალეთ, კამათლებო, ერთი დუ-შაში მიწყალობეთ, დუ შაში! (კამათლებს აგორებს) ოჰო, ბეშ-ღორთი! ესეც კარქია. (თამაშობს. გამოჩდება სანდრო).

სანდრო. — (გიორგის). გიორგი, მგონი, დროა ვისადილოთ! (დავითზე) მაგას, თუ უყურეფ, ჩემო ძმაო, მაი დღეს ათიკაცისას მიძუძღვება და ყველგან წეიბალახებს. მარა ჩვენ-კი ეს არ შეგვიძლია. (სანდრო და გიორგი იღიმებიან).

დავით. (სანდროს). შეგიძლია უკან დაიბრუნო მაი სიტყვები. მიძუძღვება ვინმესას და წაბალახება თქვენ იცით და არა-მე!

გიორგი. — (სანდროს). ჯერ აღრეა, კაცო, წირვაც არ გამოსულა.

სანდრო. — ერთი ამას შეხედეთ! მე მშია და ეს წირვაზე მელაპარაკება, ვითომ დიდი ღვთის მლოცველი ვინმე იყოს.



გიორგი.—მეიცა, კაცო, აი, ამ ხელს გავათავებთ და ვისადილოთ.

სანდრო.—მე, აბა, სუფრას გავაწყობიებ, კარქი?

გიორგი.—როგორც გინდა!

სანდრო.—თომა, თომა! (სკოლის აივანზე გამოჩდება თომა).

თომა.—რას მიბრძანებ, ბატონო?

სანდრო.—თომა, არიქა, სადილი გვიშველე, თუ კაცი ხარ, სადილი!

თომა.—ამ წამში, ბატონო. (თომა უკანვე შებრუნდება. სანდრო მუხის ძირას ჯდება, გიტარას უკრავს და ამღერებს. თომას გამოაქვს ღვინიანი ბოთლები, ჭიქები, პური, წვადი, მოხარჩული კვერცხები და სხვა. ამ დროს, გზაზე გამოჩდება თედორე, სავაქროში შედის, მაშინვე გამოდის და უკანვე ვაბრუნდება. სანდრო მიიბრუნს სუფრასთან და მაღიანათ დაიწყებს ჭამას. დავითი და გიორგიც ათავებენ თამაშს და სადილობენ).

დავითი. (გიორგის). შეხედე, შეხედე, ამ უბედურს, როგორ გამწარებით იბლაყნება? ნეტაი, მე არ შემეპაძღეს და აფერი მინდა.

სანდრო.—(ჭამს). ჰმ, უბედურიო.. შენ რაღა ბედნიერი ბძანდები, ა? (ღვინიან ჭიქას აიღებს) გაუმარჯოს ჩემს კარქს ბიჭობას, ჩემს ჭკუას და მახვილ გონებას! (დალევს). ალღავერდი შენთან, გიორგი!

გიორგი.—იახში-ოღლ, იახში-ვერდი... მხოლოთ, სანდრო, ნუ ხარ ყბელი!

დავითი.—ვაშა, ვაშა, გიორგი! რაღა ჩქარა შეთხზა ლექსი?

სანდრო.—(დავითს). შენ მაგას ასე ნუ ეხუმრები, ბიძია! მაგის ლექსებით ქართულ რელიქციების გოდრები გავსებულა, მართალს გელაპარაკები, მართალს, შენი თავი ნუ მომიკვტება!

გიორგი.—მაშ, არა და! საწყალობელს კი არ მიბეჭდავენ ლექსებს. არ გახსოვს ქე მაინც, ყურნალ „ცეცხლში“, რამდენი ჩემი ლექსები დაიბეჭდა შეყვარებულის ფსევდონიმით?

სანდრო.—(სიცილით). როგორ არ მახსოვს, კაცო, როგორ? მგონი, ერთი ლექსი ასე

იწყებოდა, (იგონებს) ცეცხლის აღში რო ჩამავდე, რო ჩამავდე ცეცხლის აღში, მითხარ, მითხარ, რას მკრჩოდი, გენაცვალე მაგ თვალწარბში. ხომ ასე იწყებოდა, ა?

გიორგი—(დეკლამაციით). რას მერჩოდი, ტურფავ, მითხარ, რო შემწვი და რო მომხარჩე, სიყვარულით დამანელე, არც მომკალი, არც დამახრჩე.

სანდრო—ხა, ხა, ხა, სიყვარულით დამანელე, არც მომკალი, არც დამახრჩეო... ნამდვილი გენიოსურია, ნამდვილი, შენ თავს ვფიცავ, დავით ელიზბაროვიჩ!

დავით—ოჰო, ეს მართლა კარქი ლექსი დაუწერია, ძმაო!

სანდრო—ჰო, მართლა, დავით, კარქი არ გამახსენდა? ა, ბიჭო, какразъ, შენი ლუშკასთვის რო ლექსის მიწერა გინდა, ამაზე უკეთესს დამწერს, საღ ნახავ, შე უბედურო?

გიორგი—ოჰო, ესეც ახალი ამბავი! (დავითს) მართლა ხომ არ გწვავს ვინმე, დავით?

სანდრო—კიდევ წვავს და კიდევ ხრაკავს, მარა ჯერ მაინც ვეფერი მოუხერხა მას, მაგ უბედურმა..

დავით—ნუ გენაღვლება-მე არც არავინ მწვავს და არც არავინ მხრაკავს. რაც შეეხება მოხერხებას „что позволите мне знать“..

გიორგი—(დავითს). ბიჭოს, შენ აღარ ხუმრობ, მგონი! იმედი მაქვს, მეტყუი-ვინ არი შენი მანათობელი ვარსკვლავი?

სანდრო—ჰე, როგორ არ იცი, კაცო! აი, ის ვარსკვლავია, რომელიც სიმონ კეთილაძის ეზოს ანათებს.

გიორგი—ოჰო, ჰო, ახლა-კი მივხდი! (ამოიღებს უბის ჯიბიდან კარანდაშს და ქალაღს). მართლაც, რო ნამდვილი ვარსკვლავი მოგინახავს, ჩემო დავით, ნამდვილი! იმისანა ლექსს დაგიწერ, ბიჭო, ამისანას, რო, არ უყვარდე, მაინც შეგიყვარებს. (წერს).

დავით—(სანდროს). მეც შენისანა ვიყავი, რო ნამუსი გავანდევ და რაღაი!

სანდრო.—ჰე, დავით ელიზბაროვიჩ, მაგი გენაღვლება! თუ კეთილაძის ქალი არ შეგიყვარებს, შე აგერ ვარ: მე შეგიყვარეფ!

დავით—შენ თუ შემოყვარე, კიდევ გაკეთ და ჩემი საქმე.

გიორგი— აბა, სმენა, ყმაწვილებო! (კითხულობს). ჩემო მზეო, ჩემო თვარევ, ქეთოვ, რატო გამამწარე? ჩამიხუტე მაგ გულ-მკერდში, მაკოცნიე მაგ ტუჩებში და, თუ გინდა, მერე ცოცხლათ გადამაგდე სამარეში.

დავით—ბიჭოს, ეს მართლა ვარგებულა! (დაწერილ ლექსს გამოართმევს).

სანდრო—ხა, ხა, ხა. აკი ვთქვი, მეორე შოთა რუსთველია—მეთქინ. და, თუ გინდა, მერე ცოცხლათ გადამაგდე სამარეშიო!—შეუდარებელია, შეუდარებელი! (დავითს) მარა მოდი, დავით, ეს ტაეპი სხვაფერ გადავაკეთოთ, კარკი? აი, ასე: «და, თუ გინდა, მერე ცოცხლათ გადამაგდე ერთ ჭურ თხლეში. ხო კარკია, ა?»

დავით.—არ არი საქირო! თხლეში გადაგდება შენ გჭირია და არა—მე! (გზახე გამოჩნდებიან სამსონ და ელო. სამსონ გზახე გაჩერდება, ელო-კი ჩადის ეზოში და მათთან მიდის.)

გიორგი.—აა, მობძანდი, მობძანდი Елена Гавриіловна! (დავითი სკოლაში შედის)

სანდრო—(ელოს).-აი, ახლა ვაპირობდი თქვენსას წამოსვლას და თქვენ-კი სხვაგან მიეშურებით! განა ეს შეიძლება?

ელა—(სანდროს). ძალიან უდროო დროს დაგირჩებოდა მოსვლა. ჩვენ ახლა სიძისას მივიღვართ, ავით ყოფილა და გვინდა ვნახოთ. თუ არ გჯერა, აი, კითხე ჩემ ძმას.

გიორგი (ელოს თვალის ქნევით).-ხედავ, Елена Гавриіловна, როგორ გეიპარა თქვენი მომდურავი? მოდი, რაც იქნება-იქნება, შეურიგდი!

ელა-არას დროს! აბა, რა მაქვს საერთო ისეთ კაცთან, რომელიც შრომას გაურბის და საზოგადოებას აფერს არგია? მართალი გითხრა, თქვენზეც ძალიან გულ-ნაკლული ვარ, რო მაგისანა ადამიანს იახლოვებთ,...

გიორგი.-არ ვიცი, ღმერთმანი, რას უნდა ვერჩოდე მაგ კაცს? ჩემთვის მას ჯერ აფერი არ დაუშავებია.

ელა.-კერძოთ არც ჩემთვის დაუშავებია

რამე, მარა მაინც არ მომწონს მაგფერი მუქ-თახორები.

გიორგი (სამსონისკენ).-სამსონ, ჩამოუხვიე, კაცო, აფერი გიჭირს, ერთი ჭიქა ღვინო დაგვიღე!

სამსონ—გმაღლობ, ცოტა მეჩქარება! (ელოსკენ) მივდივარ, ელო, დამეწიე! (მიდის).

ელა (გიორგის).-გიორგი, თუ ძმა ხარ, რალაც მინდა გთხოვო და ნუ გამაწბილებ. თქვენს მაგიდაზე დღეს ჩემი მოსწავლეების რვეულები დავტოვე და რამენარათ გაასწორე. შეიძლება გვიან დავბრუნდე, თორე არ შეგაწუხებდი.

გიორგი - Сь большимъ удовольствіемъ, Елена Гавриіловна! აბა, ეს რა შეწუხება უნდა იყოს? მაინც და მაინც, თუ გაუსწორებელი დარჩება, ничего не значитъ.

ელა—არა, გიორგი, მაგი არ შემოძლია! ხეალ წერის გაკვეთილი მაქვს და რვეულები, უსათუოდ, გასწორებული უნდა დამირჩეს.

გიორგი.-კარგი, კარგი, Елена Гавриіловна. მაგახე ნუ სწუხართ. მე, როგორც თქვენი უფროსი, უნდა დამიჯეროთ.

სანდრო.—Не беспокойтесь, Елена Гавриіловна! თუ გიორგი არ გაასწორებს, მე მზათ ვარ თქვენი სამსახურისთვის.

ელა.—გმაღლობთ. მარა თქვენზე იმედის დამყარება არ შემოძლია.

სანდრო. - რათა, რათა, Елена Гавриіловна, ისეთი რა დავაშავე?

ელა.— დაშავებით არაფელი, მარა ცოტა გულ-მაგიწყი ბძანდები და, შეიძლება დაგავიწყდეს! (მიდის).

სანდრო (მიმავალ ელოსკენ)—Вы меня оскорбляете. Елена Гавриіловна, оскорбляете!

ელა (გზიდან). შეგიძლიათ მიჩივლოთ! (ცოტა ხნის შემდეგ, გზახე გამოჩნდებიან გოჯასპირ და რამდენიმე გლეხი.)

სანდრო გურული.

(შემდეგი იქნება.)

# ისევ ბნელა.

ისევ ბნელა, ისევ ღამეა,  
წყვილიად მოუცავს სამყარო ცისა,  
არსაით შეველა, არსაით იმედი,  
არც მეგობარი, გამცემი ხმისა...

კენესის მიდამო, \*  
კენესის ჩაგრული, \*  
სისხლისა ზღვები ინთება ქვეყნათ,  
კაცი არ არი, გამცემი ხმისა!..

აგერ, საწყალი, \*  
ხალხს შემოსტირის, \*  
მომეცით რამე... მომეცით პური...  
ქმარი მყავს ომში, გულ-განგმირული...

ისევ ბნელაა, ისევ ღამეა,  
ისევ ცრემლები, ტირილი კვნესა,  
ისევ იტანჯვის ჩაგრული ხალხი  
კაცი არ არი გამცემი ხმისა...

ქ. მიმქრალი.

ქ. გორი.

# რედაქციისგან.

„ქალაქის შიმშილობა“ ნამეტანი საგ-  
ძნობი შეიქნა და რედაქცია იძულებულია ამ  
ზაფხულის თვეებში, სექტემბრამდე, თვეში  
თითო ნუმერი სტამბოს. ასეთს ჩვენს უნებ-  
ლიეთს წყობრი მუშაობის არე-დარევის  
ქურ. „ცხოვრების“ დიდათ პატივცემული  
მკითხველები კარგათ გაითვალისწინებენ და  
გვაპატივებენ.

# კრიტიკა.

## ჯაჯუ ჯორჯიკია.

(სილამაზის შეგძნობა.)

ჯაჯუ ჯორჯიკია მწერალი არ არის. იგი  
მხატვარია.

მხატვრობის სპეციფიურობა-კი სიტყვაში  
არ გამოიხატება. მას მრავალფეროვანი საღე-

ბაგებით საესე პალიტრა უნდა; რათგან მხა-  
ტვრობა ჩვენ სულიერ მოძრაობას, დრამას-კი  
არ ხატავს თვის მთლიან მიმდინარობაში,  
არამედ მხოლოდ ერთ ნაკვეთს, წუთს გამოსტა-  
ცებს ხოლმე. ტრადიული განცდით საესე და  
სილამაზის თხელი სამოსით დაბურვილ ცხოვ-  
რებას დასამარადისოს შეუერთებს. აღბეჭდავს  
ერთ წუთს. ადამიანის სულიერ მღელვარებას  
კვი მატერიაში გაახვევს. ასეთია მხატვრობის  
განსაკუთრებულობა.

ჯორჯიკიას „სამხატვრო დაზგაზე“-კი  
მხოლოდ მოქნილი სიტყვაა. სიტყვა მხატვრობას  
ვერ შეიქმს. იგი მხოლოდ გადმოქცევს მხა-  
ტვრული სურათის, პეიზაჟის სიშვენიერეს.

ჯორჯიკიას მხატვრულ აზროს ის უფრო  
ამტკიცებს, რომ იგი წუთების გამომხატველია.  
ამ მხრივ, იგი ნამდვილი იმპრესიონისტია.  
მუდამ მოძრავი ცხოვრება მხოლოდ თითო  
წუთებიდან შედგება, ადამიანის ტრადედია-კი  
ერთ მთლიან გრეხილს წარმოადგენს, რომ-  
ელსაც, თითქოს არც დასაბამი უჩდეს და  
დასასრულიც წყვილიად იფანტებოდეს. ამ  
ტრადედის გამოსახვა მხოლოდ დიდ დრამატულ  
ნაწარმოებში, აუ შეიძლება, სადაც გმირის  
ხასიათის გაერთარება ჩანს, მოძრაობა და  
შეზღოვება ცვლიან ერთმანეთს.

ჯორჯიკიას ასეთი რთული ფსიქიური  
განცდის გამოხატვა არ შეუძლია, რათგან იგი,  
როგორც ვთქვი, მხატვარია, რომელსაც სიტ-  
ყვის საშვალებით გადააქვს წუთები იმ ტრადე-  
დიისა, რომელსაც ადამიანთა ცხოვრება ეწო-  
დება. მარა ხელოვანის სიძლიერეც იმაშია,  
რომ ამ ერთ წუთს ფსიქიურ განცდისას, ისეთი  
სიმარტივით და ხშირათ გულუბრყვილობაც  
გამოხატავს ხოლმე, რომელიც შეიძლება  
მთელი დრამატულ ნაწარმოებში არ გასახული-  
ყო. ამ მხრივ, მისი პატარა მინიატიურები,  
დიდ აზრს გამოხატვენ.

საქართველოს უკანასკნელი ათი წელიწადი  
ესთეტიზმით ხასიათდება. მარა იგი ესთეტიზმი  
უფრო სტიქიური და ბუნდოვანი გამოსახვაა,  
ვიდრე შეგნებული შეგძნობა სალამაზისა. ეს  
მოვლენა-კი ჩვენი სინორჩით და გულაჩუყე-  
ბულობით მართლდება. ჩვენი მწერლები და

მგოსნები სილამაზის გძნეულ მორევში ლიე-ლიეებენ. მარა ვერც ერთმა მათგანმა ჯერ ვერ მოგვცა საკუთარ ფსიქიკაში განცდილი თეორია სილამაზისა. ჩვენი ესთეტიზმი, ესთეტიურ თეორიის გარეშე დარჩა.

ევროპის დასავლეთმა ძლიერ ნაზი ესთეტიკოსი გვაჩუქა, რომელმაც მთელი ეს ყოველ დღიური ცხოვრება ხელოვნებიდან გამოიყვანა. ეს ქურუმი **ოსკარ უაილდი**ა. ბევრმა შეაფარა თავი მისი სილამაზის სხივთა ოცნებაში, ბევრმა წამოსხა იმისი დენდური „პლაში“. მარა ხშირათ მის არისტოკრატიზმით საგსე კალთების რხევაში, მხოლოთ ტლანქი სიმანხინჯე იმალებოდა. რაშია საქმე?

სილამაზის შეგძნობას ორი განსაკუთრებული თვისება ჰქირდება. ეს არი დინჯი დაკვირვების უნარი და აღმოსავლეთური ჰვრეტა სამყაროსი. ეს ორი თვისება ხშირათ გადილახება ხოლმე ჩვენი ესთეტების მიერ. დაკვირვების უნარს, ყმაწვილური გულაჩუყებულება არღვევს და წმიდა ჰვრეტას-კი თავ შეუკავებელი შიქრა სილამაზის სხეულში. ამ მხრივ, თანამედროე მწერლებში ყველაზე უფრო ჯორჯიკია გამოირჩევა. მან სხვაზე უფრო ცხადათ და გარკვევითაც შეძლო სილამაზის ბუნდოვან მისწრაფებისთვის გარკვეული სახეები მიეცა და თვისი საკუთარი ფსიქიკით განცდილი ესთეტიური თეორია გამოესახა. ამისთვის მას შესწევს, როგორც დინჯი დაკვირვების უნარი, აგრეთვე აუღელვებელი ჰვრეტაც.

როგორი არი ჯორჯიკიას ესთეტიური თეორია? სილამაზის გასაკუთრებულ თვისებას მისი მატერიალობა შეადგენს. თუ სილამაზის იდეა არ არი გასახული მატერიაში, ისე იგი იდეა შეუგძნობელი დარჩება ჩვენთვის. ამიტომ სილამაზე მკიდროთ არი დაკავშირებული ისეთ ხელოვნებასთან, რომელსაც საქმე მატერიასთან აქვს, მაგალითად, მხატვრობა, არქიტექტურა, ქანდაკება და სხვა. ჯორჯიკია ბუნებით უფრო მხატვარია, ვიდრე მწერალი და მისი სილამაზის შეგძნობაც ყოველთვის მატერიალურ სახეში არი გახვეული. მარა იგი ამ სალამაზეს-კი არ

ქნის, როგორც ნამდვილი მხატვარი, არამედ სიტყვის საშვალეობით გადმოგვცემს სილამაზის სურათს. ჯორჯიკია მასთანვე, როგორც ნამდვილი შემგძნობი სილამაზისა, მხოლოთ გაჰვრეტით კმაყოფილდება. გაჰვრეტით-კი ჩვენ მხოლოთ სახეს ვხედავთ, ვით ცივ მარმარილოს ქანდაკებას და მის შინაგან სულიერ მღელვარებას არ განვიცითთ. ამით აიხსნება, რო მისი სილამაზე წმინდა ფორმალურია, რომელსაც მხოლოთ გარეგან სახესთან აქვს საქმე და მის შინაგან სფეროში არ იჭრება. ფორმალური სახე სილამაზისა ძლიერ შემოფარგლულია, თუ შინაგანი სულიერი მოძრაობაც არ შეიტანა ხელოვანმა. ფორმა მისი ხშირათ ერთგვარ არმონიაზე და შეხავებაზე იქნება დამყარებული. ძლიერ ხელოვანს შეუძლია გასწიოს ვიწრო ფარგალი ფორმალურობისა. მარა მხოლოთ ძლიერს. ჯორჯიკიას სამხატვრო პალიტრა-კი ძლიერ ღარიბია საღებავებით, მისი მხატვრული ოცნება-კი შემოფარგლული. გარეგანი სახე სილამაზისა, თითქმის ყოველთვის ერთ ფერებში ეხატება: წარბები ყოველთვის „შვილდვით არი მოღუნული“, თმა „გიშრის ფერა“, კბილები და ხელები „სპილოს ძელისგან ნათლია“.

მოძრაობის შეტანას ხელოვნებაში ჯორჯიკია უარყოფით უყურებს, რათგან მოძრაობა ყოველთვის შლის სილამაზის გარეგან ნაწილების არმონიას. ამ მხრივ, ჯორჯიკია ნამდვილი ევლინია, რომელიც სილამაზის გამოსახატავათ, ისე არაფერს არ აფასებდა, როგორც არმონიას და სიმეტრიას. მხატვრისთვის ეს მით უფრო სავალდებულოა, რო მას საქმე აქვს უფრო სივრცესთან, ვიდრე დროსთან. მოძრაობა-კი, როგორც პროცესი დროში სრულდება და არა სივრცეში. და იქ, სადაც ირღვევა ეს კანონი, ხელოვანი ყოველთვის ტრაღედიას განიცდის.

ასეთია ჯორჯიკიას მინიატიურა „დაღუპული უკვდავება“. ნიჭიერი მხატვარი წარმტაკი ტბის ნაპირზე ყოველ დღე დაიარებოდა და მისი სიშვენიერე ტილოზე გადაქონდა... ნახატი საუცხოო გამოდიოდა და აფთოვანებული მხატვარი, კალმის ყოველი მოსმით,

თვის უკვდავებას უახლოვდებოდა. „მარა ერთ საღამოს, როცა მხატვარი ჩამავალი მზის სხივების სიკეკლუცეს ხატავდა, ტბაზე, უცნაურ თმა გაშლილი ქალი შიგ ჩაეშვა, გამჭვირვალე და წყნარი ტბა ამოძრავდა, მის ზედა პირზე წყლის ფართო რგოლები დაცურავდა. ამის შემდეგ-კი, მხატვარი ტილოზე ტბის სიკეკლუცის გადაღებას ბევრი ეცადა, მარა ვერ შეძლო!!.

სილამაზის შეგძნობა მხოლოდ გაქვრეტაზე არი დამყარებული. იქ, სადაც ირღვევა შორით ქვრეტა და ადამიანი იჭრება სილამაზის სხეულში, მის სიშვენიერეს მყისვე შავი ქაოსი ფლობს. ადამიანის სიხსლოვის, ისე არაფერს არ ეშინია, როგორც სილამაზეს... სილამაზე მიუკარებელი და დამოუკიდებელია. თუ გსურს, დატყბე მისი სიშვენიერით, უმზირე შორიდან, რათგან სიხსლოვე ხშირათ გულსაც კაწრავს და დაკოდლილი ემშვიდობები მის სამფლობელოს. დაშორებული-კი სილამაზეს, მისი გძნეულება დამოუკიდებლათ და მოურიდებლათაც სრულის ხატებით იშლება შენ წინ. ქვრეტა იგი ყოველთვის უინტერესოა. მოხიბლული მარსი ქალის სილამაზით, ცეცხლის მფრქვევე თვალებს შორიდან აპყრობდა, მის არსებაში, გარდა უინტერესო ქვრეტისა სილამაზისადმი, სხვა არაფერი ყოფილა. და იგი, ღვთიური გულ უბრყვილობით უპასუხებს ენერას, — „როგორ? მე ხო შორიდან ვუმხერდი... შორიდან... წაიბუტბუტა მარსმა და თვალები ძირს დაუშვა. — საქმეც ის არი, რო შენ სილამაზით ტკობის ნამდვილი საშვალეებისთვის მიგიმართავს, აღელვებით მიუგო ვენერამ“ (შორით მხერა).

ესთეტიკის ფარგლები ძლიერ გაფართოვდა მას შემდეგ, რაც დიადმა კანტამა დიადობის (возвышенное) შეგძნობაც შეიტანა შიგ. მის შეგძნობას, უსათუოდ, ვაშკაცური სული ქირდება. ვისაც ეს თვისება აკლია, მისთვის გაუგებარე დარჩება დიადობის სილამაზეც. იფიქრებდი კაცი, რო დიადობის შეგძნობა უფრო ძლიერათ ქართველ ერში უნდა ყოფილიყო. ჩვენმა წინაპრებმა ორი თვისება განამტკიცეს თვის დიად ისტირიულ ცხოვრებაში.

ეს არი ხასიათის სიმტკიცე და სულიერი სიამაყე. ეს ორი თვისება, რომელიც აუცილებელია დიადობის შეგძნობისთვის, ჩვენ უღირსათ დავანშვეთ. დღეს ნაცვლათ ხასიათის სიმტკიცისა, სუსტი ნება გვეფლობს, ნაცვლათ ამაყი სულისა, მონური, ლაჩრული სული. ძლიერ სუსტია დიადობის შეგძნობა ჯორჯიკიას შემოქმედობაშიაც, რათგან მისი პიროვნება უფრო ქალურ სინაზეს ატარებს, ვიდრე მტკიცე, რაინდულ იერს. მარა, მის ზოგიერთ მინიატიურებში, მისი სუსტი ნაკვეთები მაინც ჩანს...

ასეთია ყარამანი, — ეს ნამდვილი რაინდი, და ვაშკაცური გძნობით აღესილი. ვერავითარმა ქრთამმა, ოჯახის გაჭირვებამ, ცოლის ანგარიშზე აგებულმა მუდარამ ვერ გატეხა მისი გძნობა რაინდობისა. თუმც იგი ძლიერმა სულიერმა ბძოლამ შეიპყრო.

„ყარამანმა ხალხისკენ გაღიხედა, მაღლობზე ნესტორი შენიშნა, რომელსაც ხელში ცხვირსახოცი ეჭირა და... გაახსენდა პირობა... გაახსენდა თვისი სნეული ცოლი... შიმშილისგან გაყვითლებული ბავშვები. გაახსენდა ავათ-მყოფი, ფერმიხდილი თამარი... წარმოიდგინა მისი ტანჯვა, წვალება. გაახსენდა ისიც, რო სადავეს ერთი მოწევა და... „მერცხალა“ შეფერხდება, „თერგი“ გაუსწრებდა და... სამას მანათს მიიღებდა. ცოტათ შეათამაშა მან აღვირი... მარა ამ წუთს გულში რაღაც ახალი გძნობა დაებადა. გძნობა, საოცარი საიდუმლო, გძნობა, რომელიც მას ძალას ატანდა გადაელახა პირობა, სიღარიბე და თვით ცოლ-შვილის სიყვარულიც. ამ გძნობამ იგი დაიმორჩილა, დაიმორჩილა, როგორც მიმინო იმონებს ღონემიხდილ წყერს, და სწორეთ იმ აღვილს, სადაც სადავე უნდა შეეშალა, სადაც „მერცხალა“ უნდა დაეჩაგრა საყვარელ მერანს, სადავე უფრო მიანება, გაღიხარა წინ და ყურში ჩაძახა: „გასწი, ჩემო „მერცხალა“! ისარივით მოწყდა „მერცხალა.“ წუთი... ორი წუთი და... გამარჯვებულ „მერცხალას“ და ყარამანს ხალხი ტაშის ცემითა, ვაშას ძახილით და მუსიკის გუგუნით მიეგება.

ეს პატარა მინიატიურა, მკრთალი ნაკ-

ვთია რაინდული გძნობისა. ამბავი, ჩვეულებრივ ცხენთა დოღს არ გაცილებია. მარა იგი მინც ღრმათ ჩამაფიქრებელი და ფრად მიშვიდველია. ყარამანის „საიდუმლო გძნობა“ ფართედ იშლება თვალწინ. ეს გძნობა მიხატავს ფიქრთა მთელ გრეხილებს. იგი „საიდუმლო გძნობა“ მხოლოთ რჩეულთა გძნობაა, რომელიც ლახავს ყოველგვარ ცხოვრების მშრალ ანგარიშზე აგებულ მისწრაფებათ. ეს გძნობა, რომელსაც შეიძლება „რაინდული გძნობა“ ვუწოდოთ, პირველი და აუცილებელი ეტაპია „ღიადობის“ სილამაზის შეგძნობისა. „ღიადობის“ გძნობა ფართედ გადაგვიშალა კენიგსბერგის ფილოსოფოსმა. რაში მდგომარეობს „ღიადობის“ სპეციფიურობა?

„ღიადობა“ სივრცითა და დროით არ გაისაზღვრება. მისი საზომი მხოლოთ ერთად ერთი ვიწრო სუბიექტიური და წმინდა ესთეტიურია. ლოგიკურათ და მათემატიკურათაც ჩვენ მხოლოთ დიდი საგნის შეფასება შეგვიძლია. მარა ღიადობა დიდი არ არი და მისი შეგძნობაც საგანთა გარეშეა. ღიადობა ჩვენი სულიერი სიმაღლეა. მისი შეგძნობა მხოლოთ ადამიანს შეუძლია, როგორც გონიერ არსებას. და ჭეშმარიტათ, ამბობს კანტი, ღიადი არის ის ადამიანი, ვინც მაღლდება გონებრივათ და ფართედ შლის თვის მორალურ „მე“-ს გძნობელობაზე.

ვინც ვაშკაცი არ არის, ის ვერც იგძნობს „ღიადობას“ და, ვისთვისაც ღიადობის გძნობა დახშულია, მისთვის შეუცნობელი დარჩება ტრადედიის სილამაზეც...

ტრადედია მხოლოთ ერთი გამოსახვაა ღიადობისა. მიუხედივთ ჩვენი დალაჩრებისა, ჩვენში კადვე შესამჩნევათ ფეთქს რაინდული, ვაშკაციური სული. მარა, მიუხედავთ ამისა, საქართველოში ტრადედია არ შეიქმნა. ხშირათ ამბობენ, მთელი ისტორია საქართველოსი, — ეს მთლიანი ტრადედიის გამოსახვააო. მარა ამ ტრადიულმა განცდამ ხორცი ვერ შეისხა. ჩვენ არ მოგვევლინა ისეთი მწერალი, რომელსაც ქართველი ერის გმინვა ზეჩაჯონების მუსიკალურ აკორდათ გადაწლილ იყოს, — და მისი დანთხელი სისხლი მხატვრულ საღება-

ვთ ეხმაროს.. ჩვენი დიადი მწერლები, ილია და აკაკი, მხოლოთ თვისი ცხოვრებით თუ ქმნიდენ ძლიერ ტრადედიას. მარა მათ მიერ შექნილ ტრადედიას გამომსახველი არ გაუჩნდა... პირველმა თვისი სისხლი დაანთხია, რომ იგი სისხლი მომავალ მხატვარს საღებავთ გამოდგომოდა. მარა ჩვენ ლაჩრები, დანთხეულმა სისხლმა მხოლოთ შეგვაშფოთა და დიადი იგი ტრადედია სრულიათ განუცთელი დავგრჩა...

მეორე მგოსანი-კი სულ მუდამ გამტყდარი სახით გამოიყურებოდა და ისე ჩავიდა სამარეს, რო მთლიანობა არ უგძენია...

მიზეზიც ტრადედიის უქონლობისა, უსა თუოდ, ჯერ ისევ ჩვენ გონებრივ სინორჩეში უნდა მოვძებნოთ. ტრადედიის შეგძნობას არა თუ მარტო რაინდული სული ქირდება, არამედ ძლიერი ფსიქოლოგიური გაღრმავებაც. ეს უკანასკნელი ჩვენში ძლიერ პრიმიტიულია და, ვიდრე ფსიქოლოგიურათ არ გავაღრმავებთ ჩვენ ტრადიულ განცდას, მანამდი ვერ ვიხილავთ ვერც ქართველ მაკბეტს, ვერც იქვიან ოტელოს...

ამის ანალოგიურ მაგალითს ძველი რომაეთი იძლევა. ძველი რომაელი და ძველი ქართველი საკვირველ მონათესავე ტიპს წარმოადგენენ. ორივე რაინდია სულიერათ და ძლიერი-მეომარი. ორივე ფხიზელი გონებით, და მოსწრებული სიტყვა პასუხით, რომელნიც უფრო ანდაზებითა და ზმებით ლაპარაკობს, ვიდრე დინჯი მიჯრილი საუბრით. ორივე მოყვარული ირონიისა და მოსწრებული ხმა-კიდურებისა და ორივე მხიარული და გაშლილი ბუნების, რომლის სიმხიარულეს სუფრაზე ამკობდა მუსიკის მკენესარე ხმა და აფთოვანებული ქერმეტყველება ტოლუბაშისა... და ყველა ამ თვისებებთან ერთად, საოცარი გულცივობა ტრადედიისადმი...

რომაელები მწყურვალეთ დაეწაფენ. ძველ ელინთა კულტურას. მარა მათი ტრადიული გმირები და მწერლები ყრუთ დარჩენ რომაელთათვის. ივინი უფრო მეტის ენტუზიაზმით უცქერენ რომელიმე მამის, ან და გისტრიონის მანჭვას, ვიდრე ტრადიული გმირის ძლიერ სულიერ განცდას ფიქრთა გრეხილი კიდევ

შეიძლება გამეძელებია და დამებატა ის შედეგები, რომელიც მჭიდროთ არის დაკავშირებული რაინდულ გმობასთან, მარა ეს, ერთი შეხედვით, ჯიჯიკიას ესთეტიურ თეორიის გარეშე დგას და, ამიტომაც, პირდაპირ საგანს ეუბრუნდება.

სილამაზის გმობა წმინდა სუბიექტიურია. მარა მასთანვე ერთგვარ უნივერსალურ და საყოველთაო იერს ატარებს. სილამაზის გმობა არსებობს ყველა ადამიანში, რა საფეხურზეც უნდა იყოს მათი კულტურული მდგომარეობა. მხოლოთ სილამაზის სიშვენიერის გაგება და მისი სიძლიერე—ესთეტიურ გავითარებაზე არი დამოკიდებული. ხელოვნებაში დასახული სილამაზე ორგვარია: წმინდა ფორმალური, რომელიც მხოლოთ გარეგანი სახის არმონიას შეეხება, და მეორეს-კი, შეგვიძლია იდეური ეუწოდოთ, იმდენათ, რამდენათაც იგი არა თუ მარტო გარეგანი ფორმის სიმეტრიას მისდევს, არამედ უფრო მის შინაგან იდეურ გამოხატვას.

თანამედროე ხელოვნება უფრო იდეურია, ვიდრე ფორმალური. მისი მიზანი მხოლოთ ერთად ერთია. სავსებით გამოაშკარავოს შინაგანი მხარე სილამაზის საგნისა, თუმც ამ გამოაშკარავებამ გარეგანი სახის სიმეტრიაც დაარღვიოს. ამ მხრივ, თანამედროე ხელოვნება ძლიერ დაშორდა სილამაზეს. მაგ. აიღეთ როდენის ბრინჯაოს ქანდაკება „შეიარაღდით“. ეს ნახატი ნამდვილი ომის გენია არი. მისი სახის გამომეტყველება ალაგზნებს, როგორც სიკოცხლით სავსე ჭაბუკს, ისე სამირის კარზე მისულ მოხუცსაც. მას შეუძლია ათასგვარი იდეები დაბადოს ჩვენში. მარა არას დროს ჩვენ იგი სილამაზეს არ გვაგძნობიებს. რათგან სილამაზის სპეციფიურ ბა მისი გარეგანი სახის ნაწილების სიმეტრიასა და არმონიაშია და იქ, სადაც ირღვევა ეს სპეციფიურობა, იკარგება სილამაზეც... სულ სხვაა ძველი ელინური ხელოვნება. მათი შეგძნობა სილამაზის წმინდა ფორმალურია. ძველი ელინი ამ სილამაზისთვის, ისე არაფერს არ აფასებდა, როგორც სიმეტრიას და შეწონილებას. ამნაირი იყო არისტოტელის ესთეტიკა და ასეთივე

არმონიულათ იშლებოდა პითაგორასის შემეცნებაში სოფლიო, რომელმაც მთელ სოფლიოს მუსიკალური რიტმი დაუდვა საფუძვლათ...

ელინურ სილამაზეს ფარდა ახადა დიდიმა გოტკოლდ ლესინგმა თვის „ლაოკოონში“ და მას დამოუკიდებლათ მიუახლოვდა ემანუელ კანტი, რომლის აზრითაც სილამაზის გმობას მხოლოთ წმინდა ფორმალური და უინტერესო კმაყოფილების აღძვრა შეუძლია ჩვენში.

არ შეიძლება ითქვას, რა ეს ორგვარი ხელოვნება ერთი და იგივე უნივერსალობისთვისებებს ატარებდეს. თანამედროე ხელოვნების გაგებას ძლიერი ესთეტიურ-კულტურული გავითარება ქირდება, რათგან ეს უკანასკნელი, როგორცა ვთქვი, იდეურათ არი დახატულ-დატვირთული.

სულ სხვაა ელინური პლასტიური ხელოვნება. მას საქმე მხოლოთ სილამაზესთან აქვს და სილამაზეს, მიუხედავათ მისი სუბიექტიური თვისებისა, ფართე უნივერსალური ხასიათი აქვს. აპოლონ ბელვედერელის, ან ვენერა მილოსელის სიშვენიერე დაატყვევებს არა თუ მარტო ესთეტიურათ გავითარებულ ადამიანს, არამედ უბრალო უბირ მუმასაც.

ამ მხრივ, ჯორჯიკია უფრო ელინურ სილამაზის შეგძნობას უახლოვდება. ეს მან სხარტათ გადაგვიშალა პატარა მინიატურაში—„ხელოვნება“. „სურათი ტბის ამწვანებულ ნაპირას მდგარ სილფიდას წარმოადგენდა. თმა, რომელსაც ხალასი ოქროს და ორი ფირუზის გვარი თვალი ქონდა. მის სახეს, კანის მაგიერ, ქარვის ელვარება დათამაშებდა. ნიჭიერ მხატვარს ამ ახალგაზდა ქალის მოყვანილობა და მოქნილობა ერთმანეთისთვის ისე შეეთანხმებია, რა გვერებოდათ, ტურფა ასული ტილოდან გადმოხტომას აპირებსო“. აი, ამ ძვირფასმა „სურათმა ერთგვარი ენტუზიაზმით ალაგზნო განათლებული ფრანგი და ველური ზანგი; ორი მოწინააღმდეგე პოლიუსზე მდგარი პიროვნება.

მარა სილამაზის გმობა არა თუ მარტო კმაყოფილებას გვაძლევს ჩვენ, არამედ იგი ერთად ერთი მთავარი საშვალეობაცაა ადამიანის

პიროვნების ასამაღლებლათ, მის გასაფაქიზებლათ. ისე ვერაფერი ვერ აყუბებს ადამიანის მხეტურ ინსტიქტებს, როგორც დამატყვევებელი ძალა სილამაზისა. ეს თვისება სილამაზისა კარგათ აქვს შემჩნეული ჯორჯიკიასაც. შვენიერი ჭაბუკი, რომელიც ყვავილების თაიგულით ხელში, მზის ჩასვლის დროს, ბუნების საუცხოო სილამაზით ტკებოდა, მკვლევლობას ვერ ჩაიდენდა. განრისხებული მეფე, რომელიც მზათ არი სიკვდილით სასჯელი მიუსაჯოს ჭაბუკს, უცფე თავს იკავებს, შვენიერი ჭაბუკი თაიგულით ხელში მის სახეს ღმობიერებით ავსებს და... სილამაზის სისპეტაკეს უხატავს.

„ჭაბუკი გაათავისუფლეთ, რათგან იგი ყრმა, ახალგაზდა, რომელიც თაიგულით ხელში, მზის ჩასვლისას, ბუნების ათას ფეროვან გამოხატულებითა ტკებდა, ადამიანის სისხლს ვერ დააქცევდა, თქვა მეფემ, მძიმე ძოწეული დაარხია, მობრუნდა და ოთახს მიაშურა. („ეს-თეტიკოსი“.)

ასეთივე დიდ აღმზღელობით როლს აკისრებდა **შილღერი** სილამაზეს. მან ეს ეთიური მხარე სილამაზეს გძნობის ნათლად გადაგვიშალა თვის „წერილებში კაცღბრიობის ესთეტიურათ აღზდა“...

ასეთი ძღიერი, შეგნებული ქურღშია სილამაზისა **ჯორჯიკია**. ეს ნაზი ესთეტიცხოვრების საკითხს მხოლოთ ესთეტიური თვალსაზირისით უღდება. მისთვის მთელი სიცოცხლე, მხოლოთ გამლა უნდა იყოს სილამაზის და, თუ სილამაზე დაიღღლა, იგი მზათ არი თვით სიცოცხლეც სხვერპლათ მიიტანოს... „ლამაზმა ასულმა ქორფა ვარდი მოწყვიტა, ვარდის ხავერღივით ფოთღების სურნეღება გძნობას ატკბობდა, ათროზდა. ღამაზმა ვარდს ამაყათ დახეღა და თქვა:—კარგი იქნეღბოღი, ვარღო, რო სილამაზეს მალე არ კარგავღე...“

—მარა ბეღნიერი იმით ვარ, რო **სიღამაზესთან ერთად სიცოცხლეც მეცღება!** უპასუხა ქორფა ვარღმა.

თუმცა ჯორჯიკია თვის მინიატიურღბში ისეღბურ სიმორცხვის ეღფერს ატარღბს, მარა

იგი, როგორც ნამღვიღი ესთეტი, ძღიერი ინღვიღულღობით არის აღჭურვიღი. მას წამს ხეღოვნების დამოუკიღებღობა და უნივერსაღობა. მისი შემოკმეღობა გულ-წრფეღობის ბეჭედს ატარღბს. გულ-წრფეღობა-კი უტყუარი გამომხატვეღია მწერღის სიღღიერის და დამოუკიღებღობის...

გულ-წრფეღობა შემოკმეღობის სვეროში ერთგვარი **„ინტელექტუღური სინიღისია“** (ოვსიანიკო-კულიკოვსკი), ანაღოგიური მორაღური სინიღისისა. როგორც მორაღური სინიღისი ფსიკოღოგიურათ თავისუფაღია, ისევე თავისუფაღია ინტელექტუღური სინიღისი, ან გულ-წრფეღობა. ვერავითარი ბრმა ძალა მას ვერ უნდა ბორკავღეს, ვერ უნდა ახშობღეს, რათგან მისი დარღვევა,—ეს მოსპობაა პიროვნების თავისუფღების და შეკვეცა მისი სიფართოვისა. ჯორჯიკიას ეს მტკიცეთა წამს. იგი მზათ არი თვისი სიცოცხლე სხვერპლათ მიიტანოს შემოკმეღობის თავისუფალ საკურთხევეღზე. „ხეღოვნება ვერ იცრუებსღო“, —ღინჯათ და მტკიცეთ გვიპასუხებს ჯორჯიკია. („თავისუფაღი შემოკმეღობა“).

ასეთია მთავარი ხაზები ჯორჯიკიას ესთეტიურ თეორიისა. მისი სიღამაზის შეგძნობა უფრო ეღღინურ სიღამაზეს უახლოვღება. მას აქვს, როგორცა ვთქვი, ღინჯი დაკვირვების უნარი და აუღღღვებელი ჭვერეტა სამყაროში. ეს ორი თვისება-კი თავღება მისი, რომ იგი კვლავ გადაგვიშღის სიღამაზის გძნეღებას და ჩვენ მახინჯ და ტღანქ ცხოვრებას მის მაცოცხლებელ სხივებში განბანს.

მიხ. აბრამიშვიღი.

ქ. ღორპატი.



## ილ. ხონელი

(ილია ლუკასძე ბახტაძე)\*.)

ილია ბახტაძე დაიბადა ლაბა ხონში, 1856 წელს, 25 მაისს.

მამა მისი, ხონის წმ. გიორგის სობოროს ღვდელი, ლუკა მათესძე ბახტაძე, თუმცა, როგორც სოფლის ღვდელი, ნივთიერათ შეიწროებული იყო, მარა შვილების სიყვარულით ისე იყო გატაცებული, რომ იმათი აღზღისთვის იგი არაფერს დაზოგავდა. ლუკას ქონდა გათავებული ქუთაისის სასულიერო სასწავლებელი, იმ დროისთვის ჩვენში იშვიათი განათლების ცენტრი. მას ქონდა თავის საკუთარ ეზოში გახსნილი შკოლა, რომელშიაც სწავლობდნენ წერა-კითხვას, არა თუ სოფლის პატარა ბავშვები, მოზღილნიც და დაწვერულაშებულებიც. იმ დროში, ე. ი., სამოციან წლებში, არც სამინისტრო, არც სამრევლო შკოლები არ იყო. მამა ლუკას ყოველთვის ყავდა მოწვეული მასწავლებელი თანამშრომლათ. უმეტეს ნაწილათ, ეს მასწავლებლები ქუთაისის სასულიერო სასწავლებლიდან კურს დასრულებული იყვნენ. ლუკა სწავლის შესახებ იშვიათი კაცი იყო. არა თუ თვისი საკუთარი ბავშვების სწავლას ცდილობდა. იმას აეთმყოფობათ ქონდა გადაქცეული, საცა-კი ნიჭიერ ბავშვს ნახავდა, უსათუოდ, ურჩევდა მშობლებს შკოლაში მიეცა და ესწავლებია შვილისთვის. მისი მეოხებით, ბევრი დაადგა პატარაობიდანვე სწორ ცხოვრების გზას. ამ მხრით, თამამათ ითქმის, მამა ლუკა კეთილი ფანატიზმით იყო გამსჭვალული. მას, ამ მხრით, ახირებულს, ჯინიან ადამიანათ იცნობდნენ ხონში.

დედა ილიკოსი, ქრისტინე დავით ქორქაშვილის ასული, ღირსეული ამხანაგი იყო მამა ლუკასი, შვილების აღზდაში. ძლიერი სიყვარულით ღრმათ გამსჭვალული შვილები-სადმი, იგი მზათ იყო ყოველიფერი მიეტანა

\*) ეს ბიოგრაფიული ცნობები, ჩვენი თხოვნით, დასაბუქლათ ვადმოგვცა განსვენებული ილ. ხონელის ძმამ, პატივცემულმა სერგი ლუკასძე ბახტაძემ, რომელსაც ამისთვის დიდ მადლობას მოვახსენებთ.

რედ.

შვილების აღზღის წმიდა სასხვერპლოზე. მეოჯახზე, დიდი მუშა ადამიანი, მისი ყურათღება იმაზე იყო მხოლოთ მიპყრობილი, რო ყველა კმაყოფილი ყოფილიყო. აი, აქ, ამ დიდათ გამჯელ, პატიოსან ადამიანების ოჯახში დაიბადა და აღიზარდა ილიკო.

პირველი წიგნი დედამ მისცა მას ხელში და კიდევაც ასწავლა ანბანი. შემდეგ-კი, პატარა ილიკომ თვისი დედის ხელით შეკერილ ბოხნით დაიწყო სიარული თავის მამის შკოლაში, რომელიც იქვე, ეზოში საკუთარ ორთვალთან ხის სახლში იყო მოთაფსებული. ამ შკოლაში იმ დროს ივ. კ-ძე იყო მასწავლებლათ. იგი მეტიმეტათ მკაცრათ ეკიდებოდა მოსწავლეებს. იგი ცოტა რამესთვის სახაზავს ურტყამდა ხელისგულზე და, თუ მეორეჯელ, ან არ იცოდა გაკვეთილი მოწაფემ, ან რამე ცოტა რამ სიცელქეს შენიშნავდა, უსათუოდ, „როზგით“ დასჯიდა.

ილიკო ნამეტანი ჩვილი გულის ბავში იყო და, რო შეხედავდა ასეთს „გვზეკუციას“ შკოლაში, როგორც დედისგან განებირებული და მასთან შკოლის პატრონის შვილი, მოირბენდა დედასთან და შეატყობიებდა, რასაც ჩადიოდა მათი „პესტალოცი“... არა ერთხელ წაუყვანია მას დედა ამ უკანასკნელის დასამშვიდებლათ, არა ერთხელ შკოლაში ნახულით გაბრაზებულ პატარა ილიკოს არ დაუშვია ეს „პესტალოცი“ საერთო სასადილო სუფრაზე. პატარაობიდანვე ილიკო მეტისმეტი გულკეთილი იყო, დიდათ მოყვარული თვისი წრის, ტოლ-ამგანაგების, დედამისი, ძმების და დების. მართლაც რომ, ეს მხარე მისი ხასიათისა იშვიათი უნაგარობით და სიძლიერით იყო შემკული და ეს მისი ხასიათი, რაც დრო მიდიოდა, თანდათან ძლიერდებოდა, მტკიცედებოდა...

ილიკო, რო შეუსრულდა მას 8 წელიწადი, მამა ლუკამ შემოისევა ცხენზე (მაშინ არც დილიყანსი და არც ფაიტონი არ დადიოდა ქუთაისსა და ხონს შვა) და წაიყვანა ქუთაისს, კლასიკურ გიმნაზიაში მისაბარებლათ. იმ დროს, გიმნაზიის დირექტორათ ლევანდა იყო.

ინსპექტორათუკი ცნობილი ლევ ლოვოვიჩ მარკოვი (შემდეგში თფილისის პირველი გიმნაზიის დირექტორი), ნამდვილი გულთფილი, ბავშვების მეგობარი პედაგოგი. ილიკო მამამ მიაბარა პანსიონში. პირველიდანვე, მოსწავლეთა შორის, სწავლაში მან პირველი ადგილი დაიკავა. მარკოვს ძლიერ შეუყვარდა. მეხუთე კლასამდი ილიკო სულ ქების ფურცლით და საჩუქრებით გადაყავდათ კლასიდან კლასში. შემდეგ, როცა მამა ლუკამ მეორე შევილიც შეიყვანა გიმნაზიაში, იძულებული შეიქნა ილიკო გამოეყვანა პანსიონიდან და ორივე ვაჟი კერძო ოჯახში დაეყენებია ბინათ.

აქიდან ილიკოს ცხოვრებაში იწყება სრულიათ ახალი ხანა. ილიკო ეცნობა ცხოვრებას, გაქვირებას. სიღარიბე თან სდევდა მას... ხშირათ იგი მშვიდრიც წასულა შკოლაში... უფრო ახლოს გაიცნო ამხანაგობა და გულით შეიყვარა ტოლ-ამხანაგნი და მეგობარნი. ილიკოს ერთადერთ სიამოვნებას შეადგენდა სხვადასხვა წიგნების კითხვა. მარა ეს წიგნებით გატაცება რაღაც სხვაფრივ ძლიერი იყო, ხშირათ ისე დაათენდებოდა, რო ვერ გაიგებდა. მისი საყვარელი რუსეთის მწერლები იმ დროს იყვნენ: პუშკინი, ლერმონტოვი და გოგოლი. ყოველი წიგნი, რომელსაც რამე კავშირი ქონდა და ეხებოდა საფრანგეთის დიდ რევოლუციას, ამ უკანასკნელმა მაინც ისე გაიტაცა ჯერ კიდევ ნორჩი ილიკო, რო გაკვეთილებს ძლიერ ცოტა დროს უთმობდა. რა დროსაც უნდა გენახათ ის, იწვა, თუ ფეხზე იყო, მუდამ ხელში ეჭირა საფრანგეთის ისტორიის წიგნი და გატაცებით კითხულობდა. მამამ, რომელიც ხშირათ ნახულობდა მას ქუთაისში, შენიშნა, რო ბლიკომ გული აიკრუა გაკვეთილებზე, მოინდომა მისი ძველ გზაზე დაყენება, მარა ამაოთ...

ერთხელ, როდესაც მამას უნდოდა გაწყრომით ემოქმედნა მასზე, ილიკომ უთხრა მას: მამაჩემო, ნუ გგონია, რო მომავალში მე შენი ვიყო, მე საზოგადოებას ვეკუთვნი და მისი მოსამსახურე ვიქნებიო...

ეს აზრი მაშინ, იმ დიდ იდეურ დროს, ჰაერში იყო გამდგარი. მაშინდელი მოზარდი თაობა, თითქოს საზოგადო ასპარეზისთვის ემ-

ზადებოდა და მისთვის თავს დებდა... აკაკის, ილია ჭავჭავაძეს მისი „გლახის ნაამბობით“, „კაცია ადამიანით“, ნიკო ნიკოლაძეს, გიორგი წერეთელს, სერგი მესხს და სხვა საზოგადო მოღვაწეთ, მოზარდი თაობა ისე უტკერდა, როგორც მოციქულებს, ზეკაცებს და სამერმისოთ ყოველი ნიჭიერი ახალგაზდა ცდილობდა მამულს, საქართველოს რითიმე გამოდგომოდა. მამის ცდა სრულიათ ფუჭი გამოდგა. არც ხეწნა, არც მუქარა ილიკოზე აღარ მოქმედებდა... მარკოვი თფილისის გადაიყვანეს გიმნაზიის დირექტორათ და ამ გარემოებასაც მოაკლო მას მფარველი და დამრიგებელი ანგელოზი. ილიკოს არაფერ ყავდა ხელის შემშლელი და დაადგა ახალ გზას, დაადგა წიგნების კითხვას და მისს გატაცებას ამ მხრივ საზღვარი აღარ ქონდა.

იმ დროს ქუთაისში ანტონ ნიკოლოზის ძე ლორთქიფანიძეს ქონდა წიგნთ-საცავი, რომლის მუდმივი სტუმარი იყო ილიკო და, თუ რამე-კი იყო მისთვის საინტერესო, არ დაუტოვებია წაუკითხავი. ასე მიაწია უკანასკნელ კლასამდი ილიკომ. სრულიათ გულ-აცრუებული, იგი იძულებული იყო დაეტოვებია სასწავლებელი, რათგან გიმნაზიის საგნები აღარ იტაცებდა მას ახლა, როგორც დაბალ კლასებში. ამ დროს ეკუთვნის ის უსიამოვნება, რომელიც მოყვა პატარა მის კორესპონდენციებს იმ დროინდელ ქართულ გაზეთ „დროება“-ში მოთავსებულებს, ქუთაისის გიმნაზიის წესწყობილებისა და იმ დროინდელ ზოგიერთ ლოთ მასწავლებლებზე. ამ გარემოებამ ილიკო იძულებული ყო დაეტოვებია სასწავლებელი სამუდამოთ... მას აღარ აკმაყოფილებდა საშვალო სასწავლებლის ფარგალი, მას მადა გაეხსენა თავისუფლათ, სხვის დაუკიობხავათ, ნებადაუთოვლათ ეკითხა წიგნები და, საზოგადოთ, მისცემოდა თვითგავითარებას, დიდსა და მადლიანს საქმეს. საზოგადოთ, ბევრი უშალა მისმა დიდათ მოყვარულმა მამამ, ბევრი ზრჩია, რო გიმნაზიის სიმწიფის ატესტატი მაინც აედო, რო კაკონიერ სტუდენტათ შესულიყო უნივერსიტეტში, მარა ყოველი მუდარა და რჩევა ამაო იყო... მას უნდოდა, წყუროდ არუსეთს წასვლა, ეს შეიქნა მისი საოცნებო

საგანი... ბოლოს, მამაც დაიყოლია. მარა უკიდურესი ხელ-მოკლევობა უკანასკნელისა უშლიდა ხელს, რო წასულიყო რუსეთისკენ. იმ დროს მასწავლებელს საჭიროებდნენ ქუთაისის სომხების სკოლაში და ცნობილმა მაშინდელმა სომხების ღვდელმა ტერ დავითმა (იარალიან-ცმა) მიიწვია ის მასწავლებლათ. ცოტა ხანი, არა უმეტეს ერთი წლისა, დაყო ილიკომ ამ სკოლაში და, შემდეგ, 1876 წელში ილიკო მიემგზავრება პეტროგრადს, რო შეესწავლა სოციალური საგნები და თვითგავითარებისთვის ემეცადინებია.

(შემდეგი იქნება).

## გაბრიელი, ეპისკოპოსი იმერეთისა.\* )

1825—1896 წ.

(ნეკროლოგი)

ეს ერთი კვირა, რაც დებეშამ მოგვიტანა სამწუხარო ამბავი იმერეთის ეპისკოპოსის, გაბრიელის გარდაცვალებისა. ხანგრძლივმა ავთმყოფობამ ისე გატანჯა ყოვლად საღვდელო, რომ ეს საწინელი ბოლო მოსალოდნელიც იყო. მარა მაინც ბედშავმა ამბავმა ყველას გულში ღრმა მწუხარება აღუძრა. გადადგა ასპარეზიდან შესანიშნავი პირი, გაქრა ძალა, რომლის ბადალი ძნელათ-ღა გამოჩნდება, დაღუმდენ ბავნი, ეკლესიის კათედრიდან მრავალ-წლობით მქუხარენი, აღარ არის ერთი უუნჩიერესი და ყოვლათ შესანიშნავი მოძღვართ-მთავარი საქართველოს ეკლესიისა.

არიან პირნი, რომელთაც მათი მოქმედება ბედისგან, თითქო წინდაწინვე აქვთ აღნიშნული. ეს ბედისწერა ეტყობა არამც თუ მათ ნამოქმედარს, მათი სულის ძლიერების ნაყოფს, არამედ იმ უცნაურათ გადახლართულ გარემოებათაც, რომელიც მათ ცხოვ-

შენიშვნა „კვალი“-ს რედაქციისა: ვებუდავთ სრულ თარგმანს ილ. ხონელის ფელეტონისას, რომელიც გაზ. „Кавказ“-ში იყო მოთავსებული. ამ სტატიამ ბევრი მითქმა-მოთქმა გამოიწვია. დეე, ყველამ წაიკითხოს და თვისი მსჯავრი დასდოს.

რების განთიადს თან სდევს... განსვენებული ღვდელ-მთავარიც ერთი ამ პირთაგანი იყო.

შვილი ღარიბი ღვდლის, გურიის ერთი ღარიბი სოფლისა, გლეხი ჩამომავლობით, ცხოვრების საშვალეებს სრულიათ მოკლებული, ნამდვილი შვილი ბუნებისა, აღზდილი ერთ-ერთ იმერეთის ყოვლათ მიეარდნილ კუთხეში, შემთხვევით გზას იკვლევს და აღის უმაღლეს წერტილამდი, ეკლესიის მსახურთა შორის. ბავშობის დროს, შემთხვევით გაიწინობს ფელდფებელს, რომელიც სლავიანურ კითხვას ასწავლის. შემთხვევითვე შედის ჯერ თფილისის, მერე, პეტერბურდის სასულიერო სემინარიაში და, ბოლოს, იქვე აკადემიაშიაც. აქ-კი შემთხვევა უკანა დგება, აღარ მოქმედებს მის ცხოვრებაზე და ბედისგან მიჩნეული ყმაწვილი კაცი სრულიათ დამთავრებულ მოღვაწეთ გამოდის ასპარესზე.

1849 წ. გერასიმე ქიქოძე ათავებს კურსს და ჩამოდის თფილისში, სემინარიის მასწავლებლათ. ჯერ ინსპექტორისა და რექტორის თანაშემწის თანამდებობას ატარებს, მერე, ფიზიკისა და მათემატიკის მასწავლებლისას და ყველგან ერთგულისა და თავის საქმის მოყვარული პედაგოგის სახელს იძენს. 1854 წ. ახალგაზდა მასწავლებელი ღვდლათ ეკურთხება და, ორ წელს შემდეგ-კი, როცა საწინელი უბედურება, ცოლისა და შვილების სიკვდილი, დაატყდა თავს, ბერათ შედგება. ამ დღიდან გერასიმე ქიქოძეს მხოლოთ გაბრიელი ეწოდება, სრულიათ მოკლე ხანში იგი მოიხვეჭს იმ ალაგს და სახელს, რომელიც სიკვდილამდი შერჩა. იგი გორიდან 1860 წ. გადაყვანილ იქნა იმერეთის ეპარქიის მმართველათ და 35 წლის განმავლობაში, სიკვდილის დღემდი, თავს ადგა თავის სამწყროს დარაჯათ და არ ღალატობს მას არავითარი სიკეთის გულისთვის. მასში გამოიხატა სრული თავისებურებით გურული გლეხი, მტკიცე და მედგარი, გულის ტკივილით თავ-დავიწყებული მოყვარული თვისი მშობელი მიწისა, მოყვარული თვისი ღარიბ და ხანდისხან ფიცხელ მემამულეთა. მან უარყო სურვილი დიდების შეძენისა და სიკერპით, სწორეთ მისგან შეთვისებუ-

ლი სიკერპით, აირიდა მრავალ გზით მიწოდებული სხვადასხვა ღირსება, რომელიც კიდევ უფრო მალლა ასწევდა საეპარქიო ასპარეზზე. ხანგრძლივი ცხოვრების დასასრულამდი, იგი რჩება იმავე მეძძოლათ, როგორც იშვა და, როგორც ჩავიდა საფლავს. გასაოცარია ეს სისრულე ხასიათისა, ეს დიადი სიმტკიცე თავის თავისადმი, ეკლესიის თვით პირველ წმიდა მოძღვართათვის შესაფერი...

ორი საგანი მოქმედებისა, ორი მისწრაფება გულისა და ბუნებისა ახასიათებს მას, როგორც საზოგადო მოღვაწეს, — ეს არი **შკოლა და კათედრა**. ამ საგნებს უერთგულა მან თავდავითუბამდი, ფანატისკოსობამდი. მათზე დაამყარა თავისი დიდება, რომელსაც ერთდროს გარს საოცრათბწყინვალე შარავანდედი ეფენა. როგორც კაცმა-ღრმათ განათლებულმა, თავის თავზედვე შკოლის ზედმოქმედების გამომცდელმა, შკოლნემ თავის ქვეყნისა და მტერმა მასზე შემოხვეულ სიბნელისამ, თავის მოქმედების პირველ ნაბიჯიდანვე შეატყო, რა იყო მისი დანიშნულება. თუ გერასიმე ქიქოძე კარგი მასწავლებელი იყო და ღირსეულათაც მიაჩნათ, ასე ბერმა გაბრიელმა მას, ამ ასპარეზზე, გადაამეტა. ეპისკოპაზობის ღროს, იგი ეკლესიასა და შკოლას ერთმანეთში არ არჩევდა: არ იცოდა, სად თავდებოდა ერთი და იწყებოდა მეორე. ორივე მისთვის თანაბრათ წმიდა საგნები იყო, ორივეს თანაბარი ერთგულებით ემსახურებოდა.

დანიშნეს თუ არა იმერეთის ეპარქიის მმართველის მალალ ადგილზე, მოიარა დაბა—სოფლები და ყველგან შკოლები გაახსენვია, სადაც-კი შეხვდა რაიმე ძალას, ამ საქმისთვის გამოსადეგს, გამოიყენა კიდევ. ათობით და ოცობით ფუძნდება საეკლესიო სამრევლო შკოლები ღვღლებისა და დიაკვნებისგან განაგებნი. ყოვლად საღვდლო ყოველ წელიწადს ათვლიერებს მათ, ხანდისხან წელიწადში რამდენჯერმე რევიზიას უკეთებს, შეგირდებს ეგზამენს აქერიებს, ყურს უგდებს სწავლის წარმატებას. თავის სოფელშიაც, თავის ხარჯით, აარსებს სამაგალითო შკოლას, შველის ფუ-

ლითაც, სადაც-კი შესაძლოა, აჯერებს და ამტკიცებს ამ საქმეში, როგორც მოძღვართ, ისე მათ სამწყროს. იგივე აარსებს სასულიერო სასწავლებელს ქუთაისში და აღძრავს ლაპარაკს იქვე სასულიერო სემინარიის დაფუძნებაზე. ამ უკანასკნელს თავის სანატრელს სწირავს იგი დიდ შრომას და დაულალავ ღვაწლს მრავალი წლის განმავლობაში და, ვაი, რო, მხოლოთ სიცოცხლის უკანასკნელ ეამს, ხედავს გახორციელებას თავის ოცნებისას... მაინც და მაინც დაბრკოლება ხელს ვერ უშლის და ავათმყოფიც-კი, სნეულებით დატანჯული, ცთილობს თავის საყვარელი საქმის დამთავრებას. ეს იყო მისი უკანასკნელი კეთილი დიადი საქმე თავის სამწყროსადმი, რომელსაც, იმისი ღვაწლით, რასაკვირველია, საუკუნოთ გულში ექნება ღრმათ ჩაბეჭდილი.

თუ გაბრიელ ეპისკოპოზი საკვირველი იყო, როგორც პედაგოგი, როგორც ორატორი, იგი იყო სწორეთ მსმენელთა გულის წარმტაცი...

ვთქვათ, იმის ქადაგებათ ეღირსათ ინგლისურ ენაზე გადათარგმნა და სასულიერო ჟურნეტყველების მცოდნენი და მოყვარულნი გოაცებაში მოყავდათო, კიდევ ცოტა იქნება. უნდა გენახათ, როგორ მოქმედებდა ეს ქადაგება მათზე, ვის სასმენლათაც იგი ამბობდა. მას მხოლოთ ერთი აზრი ქონდა ხოლმე წინ გამოსახული. იგი ქადაგებდა მხოლოთ მოყვასთა სარგებლობისთვის და არა საკუთარი პატივმოყვარობის დასაკმაყოფილებლათ. ამ არა ჩვეულებრივმა სიტყვის მეფემ შეიმუშავა თვითვე თავისი საკუთარი ენა, ენა ბწყინვალე, თავისებურებით შესანიშნავი. მისი სიტყვა იყო ყოველთვის სადა; ძლიერი, საგნის პირდაპირნიშანში ამოძღები და მსმენელთა ამფრთოვანებელი. ის თითქო არც-კი ქადაგებდა, არამედ საუბრობდა. მარა საუბრობდა ისეთი სიცხოველით, გატაცებით და ბეჯითი ძლიერებით, რო მსმენელნი ველარ აღწევდენ თავს მის ჩაბეჭდილებას...

მეორე, არა ნაკლებათ შესანიშნავი თვისება იმის ქადაგებათა, ის იყო, რო საკვირველი სიმკვირცხლით ყოველ საზოგადო მოვლინება-

ზე ხმა უნდა აღემაღლებოდა. გაბრიელ ეპისკოპოზი თავის დღეში ცუდ-უბრალოთ, ლაპარაკის გულისთვის, არას იტყოდა. მას ყოველთვის სახეში ქონდა ესა, თუ ის დღიური ვარამი, შინჯავდა დაწვრილებით ამა, თუ იმ მოვლინებას, რისხვით თავს ეცემოდა აღმოჩენილ ბოროტებას... ამიტომაც, თავის ქადაგებაში ბოროტსაც კიცხავდა და თან სამწყსოს სიმართლეს ასწავლიდა. მისგან კიცხვა მაშინ უფრო ძლიერი იყო, როცა გარემო ცხოვრება უფრო მეტ საბუთს აძლევდა. ბევრს ახლაც უნდა ახსოვდეს სახელოვანი სიტყვა, წარმოთქმული გლეხთა გათავისუფლების წინათ, რომელმაც კინაღამ იმის სიცოცხლე შეიწირა...

მხოლოდ გურულმა გამგებლობამ გადაარჩინა ამ ხიფათს. თვით ამ სტრიქონების დამწერს მახსოვს ერთი მისი შესანიშნავი სიტყვათაგანი, მიმართული ეკლესიაში დამსწრე, ქუთაისის მაღალ საზოგადოების ქალთადმი. საუცხოო რამ იყო იგი... აღჭურვილი თავის აღტიკნებული მრისხანებით და დამცინავი კილოთი გამოამყვანებელი ფუფუნებით ცხოვრების მავნებლობისა. ისე ხელოვნურათ დახატა მან იდეალური სახე უწინდელი ქართველი ქალისა, ოჯახისა და დედობრივი მზრუნველობისთვის თავდადებულისა, ისე ცხოვლათ წინ წაუყენა მათი აჩლილი ბალებისა და სამხიარულო საღამოების გმირ ქალთა, რომ მისგან ძლიერათ დახატულმა სურათმა მსმენელთ ჟრჟოლა მოგვარა... განკიცხულებმა აღარ იცოდნენ, რა ექნათ, ეკლესიაში სირცხვილით ერთი ერთმანეთს ეფარებოდნენ და მისი სიტყვა-კი იუბიტერის სიტყვისამებ, კათედრიდან ქუხდა და საოცრათ ელაგდა. ყველას ახსოვს აგრეთვე მისი მოკლე, მარა თიდ-მნიშვნელოვანი, მაშინვე ტელეგრაფით გადმოცემული სიტყვა, რომლითაც მიმართა ღვთივ-განსვენებულ მეფეს-მშვიდობის მყოფელს, ქუთაისში მიბძანების ჟამს. განსვენებულმა იმპერატორმა ჯეროვანათ დააფასა ეს მისი სიტყვა და თვით მცხოვანი ღვთივმთავარიც. მეორე დღესვე, გელათის მონასტრის დათვალიერების დროს, ესტუმრა იგი ღარიბ სენაკს მკაცრი ბერისას და ხელმწიფე ასორმოცდა ათი მილიონის სუ-

ლისა, ისე ექცეოდა თავისავე ქვეშევრდომს, როგორც მოსიყვარულე და პატივისმცემელი შვილი...

ქეშმარიტათ, ჩაქრა დიადი ვარსკვლავი და იმერეთი ველარ იხილავს მალე ამ გვარსავე ბწყინვალებას. მარა შეურაცხება იქნებოდა თვით განსვენებულის ხსოვნისთვის, თუ არ ვიტყვი, რომ ნათელს ყოველთვის თან თვისი ჩილილიც მოსდევს. გაბრიელ ეპისკოპოზი, პირი ყოვლათგანათლებული თავის დროის შესაფერათ, ჩინებული პედაგოგი, დიდათ გასაოცარი ორატორი, ვერ იყო ადმინისტრატორი, რაც უნდა ილაპარაკონ იმის თავყვანისმცემელთ. ამისთვის მას აკლდა ის სულის სიმშვიდე, ბუნების თანაბრობა, ის პირუთენელობა თავის თავისა და სხვათადმი, რაც კაცს სიფრთხილეს აჩვევს. ცხოველი გატაცებული ხასიათი, თავის დროზე ვერ დამშვიდებული აღრე დაკარგული დედოს აღერსით, მამის მკაცრი ხასიათი, ბავშობისას სასტიკი აღზდა და, ბოლოს, ცოლშვილის უბედურება, თავს მაშინ დანატეხი, როცა მისი ძალა და იმედი ის იყო თლად იფუჩქებოდა, - ეს ყველაფერი თითქო ხელს უწყობდა ასეთი ბუნების შექნას. თითქმის შეუძლებლათ მიჩნდათ მასთან საქმის დაქერა, ძალიან მძიმე ხასიათის გამო. მისი მკაცრი ხასიათი (деспотическая натура) წინააღმდეგობას ვერ იტანდა და ხშირათ იქცეოდა ისე, რომ სამართლიანათ ეწოდებოდა მას სახელი „მებძოლი ბერისა“. ის ყველაზე ეკვიანობდა, ყველას ერჩოდა, ყველასთან საომარ ფეხზე იდგა...

მარა, დეე, სამშობლო მიწამ მოგვეცეს უხვათ ამ გვარი შვილნი, რომელთაც მრავალი მიეტევება, რათგან მრავალკეცი იყო მათი სიყვარულიც. ნაკლულევანება დავიწყებას მიეცემა, ღირსება-კი არ გაქრება და განსვენებული ღვთივ-მთავარი, რომლის ნაშთი ჯერ კიდევ მიწას არ დაუფარავს, ცხოვლათ დარჩება ჩამომავლობის ხსოვნაში ისე, როგორც ხატავს მას მისი მოქმედება ქვეყნისა და სამწყსოს სასარგებლოთ.\*)

ილ. ხონელი.

\*) ჩვენ განზრახ წარვუდგინეთ ეს სტატია ჩვენი უფრანლის პატივსემულ ახლანდელ მკითხველს, რომ

## † ილია მეჩნიკოვი.

გარდაიცვალა მეცხრამეტე საუკუნის მეორე ნახევრის უდიდესი ჰუმანისტი, კატო-მოყვარე მეცნიერი.

ილია მეჩნიკოვის დახასიათება შეიძლება ერთი სიტყვით: „შვენიერება“.

ის შვენიერი იყო სახით, სულით და მეტყველებით.

ის ერთსა და იმავე დროს უდიდესი თეორეტიკოსი, წინასწარმხედვარე, და ადამიანის ბედნიერების მიზეზთა მეძიებელი იყო.

პირველათ მუშაობდა, როგორც ზოოლოგი და ამ ნიადაგზე მისი ღვაწლი იმდენათ დიდი იყო, რომ რამდენსამე მეცნიერთან ერთად ემბრიოლოგიის დამფუძნებლათ ჩაითვლებოდა.

თუ იმის თანამშრომელმა, ო. კოვალევსკიმ „ამფიოქსუს ლანცეოლატის“ (ერთგვარი თევზია) შესწავლით ხირხიმილიანსა და უხირხიმილო ცხოველებს შორის შემაერთებელი ხიდი გადვა, ილ. მეჩნიკოვმა განყოფიერებული კვერცხის გავითარების პირველი საფეხურის შესწავლით ყველა მრავალუჯრედიანი ცხოველი ნათესავური კავშირით შეუერთა ერთმანეთს.

ამ გვართ, ამ ორმა მეცნიერმა დარვინის თეორია მტკიცე მეცნიერულ საფუძველზე დაამყარეს.

მეჩნიკოვის ყოველმხრივი მეცნიერული ღვაწლის დაფასება მე, როგორც არა სპეციალისტს, არ ძალმიძს.

ავნიშნავ მხოლოდ ზოგიერთს მის აღმოჩენას. მან აღმოაჩინა ის დიდი ფაქტი, რომ ადამიანის (აგრეთვე) ყოველი ცხოველის) სისხლის თეთრი ბურთები მის სხეულში შესეულ

დარწმუნდეს, რომ ამისანა შეფასება და დახასიათება უკვდავი გაბრიელ ებისკოპოზისა არ მოუძია ჯერ საქართველოში არც ერთ ქართველ მწერალს, ასე მოკლეთ, ასე სრულათ. ილ. ხოხელის დიდი ტალანტი უნდა იყვეს დასაჩუქრებული მწერალი, რომ ასეთი აპრიალეზული, ძლიერი და ყოველის მხრით შესანიშნავი სტატია დასწეროს, ასე ნაჩქარევით, ყოველ დღიური გაზეთის რედაქციის მაგიდაზე.

რედ.

მაგნებელ ბაქტერიებს (უხილავს, მიკროსკოპიულს, მდაბალარსებათ) ებძვიან და, მაშასადამე, მის სხეულს ყოველგვარი სენისგან იფარავენ (ფაგოციტოზი) და მრავალმა მეცნიერულმა ძიებამ დაადასტურა, რომ, თუ ხსენებული თეთრი ბურთები (ფაგოციტები) ერთადერთს განმკურნებელ მცველებს არ წარმოადგენენ, უმათოდ ბძოლა ბაქტერიებთან შეუძლებელია.

მეჩნიკოვსავე ეკუთნის აგრეთვე მეორე დიდი აღმოჩენა. მან დაამტკიცა, რომ სხეულის თითოეული უჯრედი, ან კვერცხუკა, იფარავს და იცავს თავს ერთგვარი თხეულობით, რომელიც მეზობელს უცხო უჯრედებს ნებას არ აძლევს, რომ ის გადათელიონ და ახოცონ. ამ თხეულობას ციტოტოქსინი ეწოდება.

აქიდან წარმოიშვა მისი თეორია სიბერის შესახებ. ის ამბობს: სხეული შედგება კეთილშობილი უჯრედებისგან (მაგალითად, ნერვიული სისტემის, მყესთა (მუსკულთა), თირკმელთა, კუჭისა და წილების ქირკვლების სპეციფიური, ტომოვებით უჯრედები) და არა კეთილშობილი უჯრედებისგან, ასეწოდებული, შემაერთებელი ქსოვილის უჯრედები) და სიბერე მეორეგვარი უჯრედების მიერ კეთილშობილი უჯრედების დაჩაგრას მოასწავებსო.

აქიდან-კი იბადება შემდეგი სამეცნიერო საძიებელი: ამოვაჩინოთ ისეთი საშუალება, რომ მით არაკეთილშობილი უჯრედები იმდენათ დავაუძღუროთ, რომ კეთილშობილი უჯრედები ვეღარ დაჩაგრონ. ეს იქნება საშუალება სიბერის წინააღმდეგ.

მასვე ეკუთნის შემდეგი თეორია. როგორც ვიცით, ადამიანის სხეულ წილებში აუარებელი ბაქტერია არი, რომელიც წილების შეცულობას ხრწნის (საპროფიტები, ან მძოვრისმჭამელი ბაქტერიები). ხსენებული ბაქტერიების ფიზიოლოგიური დანიშნულების უარყოფა არ შეიძლება. მარა ბუნებაში ყველაფერი წესიერათ არა წარმოობს და წილების შეცულობის გადამეტებული ხრწნისა და ლობისგან წარმომდგარი ნივთიერებანი წილებში ლიმფის ქურჭლების მიერ შეისმებიან

და სხეულს წამლავენ. ეს არი, სხვათა შორის, სისხლის მიღების დასსნეულებისა (სკლეროზის) და, მაშასადამე, სიბერის დაჩქარების მიზეზი. და მეჩნიკოვი გვიჩვენებს, ვებძოლოთ სხეული ქრონიკულ მოწამლას შემდეგი საშვალებით: ვჭამოთ მაწონი, რომელიც შეიცავს, ასეწოდებულ, დამამკვავებელ ბაქტერიებს (აციდოფილებს), რომელნიც ხელს უშლიან საპროფიტების გადაჭარბებულ გამრავლებას. ამ გზით, შეგვიძლია ხანგრძლივ ვყოთ ჩვენი სიცოცხლეო.

მეჩნიკოვსავე ეკუთნის იმ ფაქტის აღმოჩენა, რომ ბრმა წელის ქიისებური საკიდის ანთება ხშირათ ქიის (ასკარიდების) თესლისგან წარმოდგება.

ავნიშნოთ კიდევ ერთი დიდი აღმოჩენა. მან აუტრა და შეაქნა მაიმუნს კაცის სიფილისი და, მაშასადამე, საფუძველი ჩაუყარა ამ სენის მომავალს სეროტერაპიას (მაიმუნის სისხლის შრატით კურნებას).

მარა მეჩნიკოვი ვიწრო მეცნიერი არ იყო და მისი ფართო გონება მარტო ერთი მეცნიერების სარბიელით არ გარეშეიწერებოდა, არამედ სოციალურ მოვლენებსაც გარეშეიწავდა და აშუქებდა: მრავალი მისი ღირსშესანიშნავი სოციოლოგიური წერილია სხვადასხვა ჟურნალში გაბნეული.

დასასრულ, შევეხოთ ორიოდ სიტყვით მისი ფილოსოფიის მთავარ დებულებას. მისი ფილოსოფიასა და ეთიკას—მეცნიერული ოპტიმიზმი უდევს სარჩულათ. მისი აზრით, ყოველი კაცი უნდა ეძიებდეს თავისა და თვისი მოძმის ბედნიერებას. ბედნიერებათ-კი აღიარებდა ის შრომას, მოქმედებასა, და ტანმოვლოებას. უნდა ვეცადოთ, რომ ვიცოცხლოთ თელად და დიდხანს და უნდა ვიშრომოთ, ჩვენი საკუთარი სარგებლობისა და მოძმეთა ბედნიერებისთვის. მაშინ მოხუცება არა თუ ჭირათ არ მოგვევლინება, არამედ სასიამოვნო იქნება, რაჟგან ამ ხანში კაცს მეტი აქვს ცოდნა და გამოცდილება. მოხუცი არ უნდა იყოს უძლური, არამედ გამოცდილებასთან ერთად მხნეობა, შრომის მოყვარობა და გონ-

ებრივი ენერჯიაც შენახული უნდა ქონდეს. მისი მნიშვნელობა გაასკედება. და, როდესაც სიკვდილის ქამი მოახლოვდება, ისე შეეგებება ამ წმას, როგორც ბუნებრივსა და ჩვეულობრივ მოვლენას, კმაყოფილი, რომ მის სიცოცხლეში თვისი დანიშნულება პირნათლად დასრულა.

უკანასკნელ ქამს, როდესაც ევროპამ ცეცხლითა და მახვილით თავის თავის განადგურებას ხელი მიყო, მეჩნიკოვი გულისტკივლით შეყურებდა ამ ამბებს და ეს დარდი სამარეში თან ჩაიტანა.

ასეთი იყო ილია მეჩნიკოვი, დიდი მოაზრე და უკეთილშობილესი ადამიანი.\*)

შეურხაფი ვასილ წერეთელი.

## სახელმწიფო დუმა.

(3 ივნისის სხდომა. \*\*)

### დ.ვ. აბ. ჩხენკელის სიტყვა.

ამ დღეს დუმა განაგძობს გლეხთა საკითხის განხილვას. გარეშე საზოგადოება ბლომით არი: ხოლო ბევრი დეპუტატის ადგილი ცალიერია. მინისტრთა სავარძელში ზის შინაგან საქმეთა მინისტრის ამხანაგი, გრაფი ბობრინსკი. კამათი თავიდანვე მწვავე ხასიათს ღებულობს. პირველათ ლაპარაკობს მემარჯვენე ოკტომბრისტი პ. იავოლინსკი, მერე ლაპარაკობენ: ტრუდოვიკი კერენსკი, კადეტი როდიჩევი და სოც.-დემ. ჩხენკელი; ყურათლებას იქცევის აგრეთვე გლეხი დეპუტატის, კალინინის მოკლე, მარა შინაარსიანი სიტყვა. ყველა ორატორები ხაზს უსვამენ მას, თუ რა როლი ითამაშა და თამაშობს დღესაც შეერთებული თავად-აზნაურობა ბატონ-ყმური ნაშთების შენახვაში.

**სოც. დემ. აკ. ჩხენკელი** მაკლაკოვის მოხსენების წინააღმდეგ ილაშქრებს და მის სისუსტეს და შეცდომებს „ლიბერალურ-ნაციონალისტურ ბლოკის“ გავლენით ხსნის და,

\*) ილია მეჩნიკოვი გარდაიცვალა პარიზში, ორს თვის, 72 წლ. და, მიწაში დასაფლავების მაგიერათ, იმისი ნეშტი დაწვეს, მისი ქვრივის თანდასწრებით. განსვენებული მეცნიერი მომხიბვლელი ლექტორი იყო და მის საყურათლებო ლექციებს ჩვენც აღტაცებით ვისმენდით ქ. ადესაში.

რედაქტორი.

\*\*) „რუს. ვერ.“ № 128.

შემდეგ, ებრაელთა საკითხს ვრცლათ ეხება. — მომხსენებელი ბ. მაკლაკოვი, — ამბობს ის, — 906 წ. 5 ოქტომბრის უქაზს, 1861 წ. 19 თებერვლის მანიფესტის შემდეგ, ყველაზე ღირსშესანიშნავათ თვლის. მარა ამგვარი მისი დაფასება მისივე თვალსაზრისითაც კი კრიტიკას ვერ ითმენს. მართალია, პროექტი გლეხთა საკითხს წამოაყენებს, მარა საკითხის წამოყენება მის გადაჭრას კიდევ არ ნიშნავს. გლეხთა საკითხის გადაჭრა არ შეუძლია იმ სახელმწიფო დუმას, რომელიც 3 ივნისის ცვლილების წყალობით, არსებობს. უფრო მეტი; ამ ცხრა წლის განმავლობაში ამ საკითხის აქ წამოყენება შეუძლებელი გახდა.

მომხსენებელი მაკლაკოვი ცთილობს დაამტკიცოს, რომ ეს პროექტი სპეციალური გლეხური პროექტია. მარა თვით მთავრობაც ხომ არ თვლიდა ამას სპეციალურათ გლეხებისთვის, და იგი დაამზადა რუსეთის ქვეშევრდომისთვის, გარდა, რასაკვირველია, ინოროდცებისა. ამგვარათ, თვით მთავრობამ გააფართოვა საკითხი მიტო, რომ იგი იძულებულია დემოკრატიული გზით მინც გაეწია ანგარიში 1905 წელთან და ამიტო ვერ გადაწყვიტა ელაპარაკა მხოლოდ გლეხობაზე და ქალაქთა მთელი დემოკრატია-კი უყურათლებოთ დაეტოვებია. რასაკვირველია, ჩვენი მომხსენებელი დემოკრატი არ არი. მარა ის იმდენათ შორს მჭვრეტელი პოლიტიკოსია და დიდებული სტრატეგი, რომ 1905 წ. არ უკავშირებს პროექტს. მაკლაკოვს მიზნათ აქვს უხმაუროთ გაატაროს ეს პროექტი სახ. დუმაში და სახ. საბჭოში და, ამიტომაც, ნაკლებ ეკლიან გზას ეძებს, რათგანც იცის, თუ რაშია „ლიბერალურ ნაციონალისტური ბლოკის“ სისუსტე და რაშია რეაქციონური მთავრობის სიძლიერე. როგორცა ვთქვი, მთავრობამ გაავრცელა ეს პროექტი რუსეთის ყველა ქვეშევრდომებზე, მარა გამოჩინების ყოველთვის შეიძლება და, აი, აქიდან გამოირიცხეს კალმიკები, სამოედები, კირღიზები და ებრაელები. რასაკვირველია, სიტყვა „ინოროდცები“ ნახმარი იყო სილამაზისთვის: საქმე ეხება მხოლოდ ებრაელებს.

ბ. ა. სტოლიპინი ფიქრობდა, რომ

ინოროდცების საკითხი და, კერძოთ, ებრაელთა საკითხი, სახალხო წარმომადგენლობამ უნდა გადაჭრასო. მეორე, მესამე და მეოთხე სახელმწიფო დუმის წევრს, ქებულ კონსტ. დემოკრატს მეტი არაფერი დარჩენოდა, რომ ეს საკითხი, თუ თლად არა, ნაწილობრივ მინც წამოეყენება გადასაჭრელათ, თუ გინდა იმ უბადრუკ ჩარჩოვებში, როგორც წამოაყენებს ხელოსანთა და მეშჩანთა საკითხს. მარა სინამდვილეში ჩვენ ვხედავთ, რომ მომხსენებელმა ბ. ა. სტოლიპინის დემოკრატიული ორგანიზაციას ყველაფერი დაუთმო. ის ყველაფერში მხარს უჭერს სტოლიპინის დებულებების მტკიცებას, რომ კანონი არ უნდა ვრცელდებოდეს ებრაელებზე; გასხვავება მხოლოდ იმაშია, რომ სტოლიპინი უშიშრათ სვამდა წერტილს და კანონპროექტის პირველ განყოფილებაში შემდეგ ფრაზას თამამათ უმატებდა: „ინოროდცების გამოკლებით“. და ჩვენი მომხსენებელი-კი თავიდან იცილებს ამ ფრაზას და მის ნამდვილ აზრს გვიამბობს, სამსახურის წესდების ერთ მუხლზე მითითებით. მაშინ, როცა ყურათლებას არ აქცევს მეორე მუხლს, რომლითაც ებრაელებს სპეციალურათ ეკრძალებათ სახ. სამსახურში შესვლა. ის, რასაც მომხსენებელი ჩვენ გვაძლევს, არის მხოლოდ ცუდი ხარისხის პოლიტიკანობა.

ებრაელთა საკითხი — არც ისე უბრალო და სუბუქია, რომ ასე გვერდის ჩავლით დავკმაყოფილდეთ. სამწუხაროთ, ბლოკის მემარტხნე ნაწილმა ამ საქმეში ბლოკის უმრავლესობის ანტ-სემიტისმს და კაციკამიობას ხელი დააფარა. ეს კიდევ ცოტაა. ბლოკის მემარტხნე ნაწილა, ისე ვაიტაცა მემარჯვენე ნაწილთან მუშაობამ, რომ მან ამ დამპალი საქმის მომხსენებელათ ერთი თვისისაუკეთესო წევრი გამოუშვა. მომხსენებლის ორატორულ ნიჭს ქება არ ჭირდება. მარა მარტო ლამაზი და კარგი სიტყვებით შორს ვერ წახვალთ. ამას გარდა, საჭირო არი მოქალაქობრივი გამბედაობა თქვა ის, რაც არი და არ გვაჩვენოთ თავი კმაყოფილათ, როცა კეთდება ცუდი საქმე. ყოფილი მინისტრი ნ. ა. მაკლაკოვი,



რაც გნებავთ, ის იყო: ის იყო რეტროგრადი და ზოოლოგიური ბაღის ყველა სახეების იმიტატორი, ის იყო სახელმწიფოებრივი „ცელქი მოთამაშე“. მარა ერთი რამ არ აკლდა მას — მას ქონდა ნამდვილი გამბედაობა.

და ჩვენი მომხსენებელი თავის ძმას არა გავს და სულ გონია, რო ზის ავტომობილში და ამ პროექტის ბედ-ილბაღზე შიშობს, დაგაგებს. და, აი, მინისტრის ამხანაგ, გრაფ ა. ბობრინსკის გამოხვლის შემდეგ, როცა მან გააცხადა, რომ იგი პროექტის რამდენიმე ცალკე მუხლების პრინციპიალური მოწინააღმდეგეა, ჩვენი მომხსენებელი-კი გამწარებით ამტკიცებდა, რომ ებრაელთა საკითხის მოხსნა ამ პროექტის დამტკიცებას ხელს შეუწყობს, როგორც აქ, ისე სახელმწ. საბჭოშია, სადაც გრაფი ა. ბობრინსკიც ბძანდება. ამგვართ, ჩვენი მომხსენებელის სტრატეგია სილაზება აშენებული. ამ პროექტიდან გამოაკელით ებრაელთა საკითხი, — და ეს იმას ნიშნავს, რო სოფლიოს თანამედროვე მდგომარეობის დროს, ანტისემიტისმს ორივე ხელით ხელი მოაწერო, ან პოლიტიკის მავიერთა, პოლიტიკანობა დაიწყოს...

დროა შეიგნოთ, რომ ებრაელთა საკითხი იგივე მთელი რუსეთის საკითხია; რომ ებრაელთა უუფლებობა რუსეთის ხალხის უუფლებობაზეა დამყარებული. ჩვენ არა ერთხელ ვამტკიცებდით, რო „ლიბერ.-ნაციონალისტურ ბლოკის“ ლაქლაქი ნაციონალიზმის პრინციპის, წვრილი ერების დაცვის შესახებ, სულ მტკნარი სიცრუეა და სიყალბე. მე დამრჩენია მხოლოდ ის, რო ვ. ა. მაკლაკოვს და მის მეგობრებს მივულოცო, რომ ისინი ამ საკითხს ემხრობიან: მივულოცო, რო მათ პროგრამას ერთი მუხლი კიდევ მოაკლდა. მე კარგათ მესმის, რო რეაქციის ბელადები და დამქაშები სარგებლობენ ყოველი შემთხვევით, რომ უგვანო დემაგოგია გასწიონ ამ პროექტის ებრაელებზე გავრცელების შესახებ. მე კარგათ ვიცი, რო მომხსენებელი და მისი მეგობრები ამ დემაგოგიით შეშინებული არიან. მარა,

რამდენათაც ლიბერალურ ბურჟუაზიის წარმომადგენლების პოლიტიკა იქნება გაუბედავი და მშიშარა, იმდენათ უფრო გამბედავი უნდა იყოს ფართო დემოკრატიის პოლიტიკა. როცა ცთილობენ რუსეთის გლეხობა დაარწმუნონ, რომ ებრაელების გათანასწოება დაღუპავს მათ საქმეს და ავნებს მათ არსებით ინტერესებს, ამით ისინი ყოველათ წარმოუდგენელ შეურაცყოფას აყენებს მას. ნუ თუ თქვენ ფიქრობთ, რო გლეხობას არ ესმის, რო სხვის უბედურობაზე თვისი „ბედნიერების“ აშენება არ შეიძლება? და, თუ ეს მას ესმის, მასვე უნდა ესმოდეს, რო მთავრობის მთელი ანტი-ებრაული პოლიტიკას ასაზღოებს სიბნელე, გაუნათლებლობა, უუფლებობა და გლეხთა შიშობა. ვ. ა. მაკლაკოვი, რასაკვირველია, ანტისემიტი არ არის, — ამისთვის ის კარგა ჭკვიანია, მარა მის სულში ღრმად ჩაძრომა მაინც საშიშია.

ჩვენ ვშინჯავთ ამ კანონპროექტს იმ კითხვებთან ერთად, რომელიც 1905 წელში რუსეთის დემოკრატიამ წამოაყენა. ცხადზე უცხადესია, რომ ამ ძირითადი საკითხების გადაჭრა მესამე ივნისის სახელმწიფო დუმას არ ძალუძს. მარა აქიდან ის დასკვნა-კი არ უნდა გამოვიტანოთ, რო ქვეყანა ამ საკითხების გადაჭრის წინაშე არ იდგეს... საერთო ევროპის ომი, რომელიც, აგერ, ორი წელია, რაც მძვინვარებს, დასრულდება და დაასრულებენ მას არა ისინი, რომლებმაც დაიწყეს, არამედ სხვები. საგარეო კრიზისების პერიოდმა აწი შინაურ კრიზისების პერიოდს უნდა დაუთმოს ადგილი... რუსეთისთვის ამ მომენტის დადგომა იმის ნიშანი იქნება, რო გადაწყდება საჭირობოროტო საკითხები, რომელიც ქვეყანას ბორკილებისგან გაათავისუფლებს. (ტაში-სკვრა).

### სომხური პრესა.

სომხ. გაზ. „ჰორიზონი“ „თან. აზრ.“ წინააღმდეგ კამპანიას ეწევა. მას ღირსეულ პასუხს აძლევს სომხის დემოკრატიული გაზეთი „პაიქარი“.

ამ გაზეთში მოთავსებულია სარედაქციო წერილი „შორს, თქვენი ბინძური ხელები!“ მოგვყავს ის საფსებელი:

„ყოველთვის, როცა სომხის პლუტოკრატია და ქართველი თავდა-აზნაურობა რომელიმე საზოგადო დაწესებულებაში, ან რომელიმე საკითხის გარშემო, ერთმანეთს შეეჯიბრება, მაშინვე ასპირეზზე გამოდის ამ ორი სხვადასხვა ელემენტის ამყოლ-დამყოლი, მათი სურვილების აღმასრულებელი პრესა და თავის შოვინისტურ ბძოლით საზოგადოებრივ ატმოსფერას შხამავენ.

საერთო თათფირი იყო ჩვენი სხოვრების ერთი იმ მრავალ ეპიზოდთაგანი, სადაც სომხის და ქართველ გაბატონებულ ელემენტების ინტერესები ერთმანეთს შეეჯახნენ.

ქართული და სომხური პრესა, მისი დემოკრატიული ნაწილი გამოკლებით, შეუღდა ერთი მტორის წინააღმდეგ ბრალდებების წაყენებას და ლანძღვა გინებას. ამავე დროს, თავის საქციელით პრესა ამ ერთა შვა დამოკიდებულებას ამწვაებდა.

სომეხთა ცხოვრებაში ამ საკითხის გარშემო დიდ ენერჯიას იჩენს გაზეთი „ჰორიზონი“. ამ გაზეთის თანამშრომელს, ა. შახათუნიანს თავის ხელობათ გადაუქსევია სომხის საზოგადოებაში, არა პირდაპირის გზით, ქართველ ხალხსადმი უნდობლობის თესვა. ის სარგებლობს ამ შემთხვევით, რომ სომხის ხალხის ფართო ნაწილი არ არი გათვითსნობიერებული და ახლას არ იცნობს ქართველ ღვიძლი ხალხის მისწრაფებებს.

რით აიხსნება ბ. შახათუნიანების, ვარანდიანების და სხვების ამ ნიადაგზე დახარჯული ენერჯია, მით უმეტეს, რომ იმათ თავი მოაქვთ დემოკრატიულ პრინციპების დამცველებათ?

რით აიხსნება ის გარემოება, რომ ბ. შახათუნიანი თვალებს იბრმავეებს და ვერ ხედავს იმ მედგარ ბძოლას, რომელსაც ქართული დემოკრატიული პრესა თავდა-აზნაურობის წინააღმდეგ ეწევა, ამავე საერთო საკითხშიც მარა საკმარისია მისთვის, რომ შემთხვევით

რომელიმე საკითხის შესახებ არაფერი ითქვას, რომ მაშინვე განგაში ატეხოს დემოკრატიულ პრესის წინააღმდეგ და შხამი თესოს. ამის მიზეზი ყველასთვის სხად-ზე უსხადესი უნდა იყოს.

ვინ არ იცის, რომ „ჰორიზონისტების“ წყალობით, რა დღეში ჩავარდა ბელშავი სომხის ხალხი და სადამილი მივიდა ის.

.....

ეს კარგათ აქვთ შეგნებული ვარანდიანებს და შახათუნიანებს. ამიტო ყოველ ღონეს ხმარობენ, რომ სომხის საზოგადოების ყურათღება სულ სხვა მხარეს მიაპყრონ. როგორც გამოთხილი სტრატეგები, იმათ საბძოლველ ასპარეზით სომეხ-ქართველთა ურთიერთობის საკითხი გამოაქვთ; ისეთი საკითხი, რომელიც ამ ორ მეზობელ ერის ფართო მასისთვის არც-კი არსებობს. მარა ისინი მაინც სთილობენ სომხის შეუგნებელ ელემენტების გონების დაბნელებას და არევე-დარევეს.

შახათუნიანები და ვარანდიანები ოსტატურათ სარგებლობენ ქართულ თავდა-აზნაურულ პრესის გამოლაშქრებით, მას მთელ ქართველ ხალხს გამოლაშქრების ხასიათს აძლევენ და სომეხ ხალხის წინაშე ქართველი ერი შოვინისტურათ გამოყავთ.

ეს არის აშკარა და უტიფარი ცილისწამება.

არავისთვის საიდუმლოებას არ შეადგენს, რომ ქართველ ხალხს თვის საზოგადოებრივ-პოლიტიკურ შეგნებით მოწინავე ადგილი უკავია არა მარტო კავკასიაში, არამედ მთელ რუსეთში... სომხის საზოგადოების დიდი ნაწილი-კი, მხოლოთ ახლა ადგება გათვითსნობიერების გზას.

დაგვრჩენია მარტო ის, რომ შახათუნიანებს, ვარანდიანებს და სხვებს ვუთხრათ: შორს გასწით თქვენი ბინძური ხელები კავკასიის ერთა დამოკიდებულების საქმიდან. კმარა, რაც ექსპერიმენტები მოახდინეთ სომხის ხალხის თავზე და, რაც განასთვეიეთ მას. კავკასიაში მაინც დაგვანებეთ თავი.

შორს, თქვენი ბინძურის ხელებით!

რედაქტორ-გამომცემელი რომანოზ ფანცხაშა

ნებადართულია სამხედრო ცენზურისგან. სტამბა „ძობა“, ქარვასლის ქ., სახლი ჩარქოვისა

# 1916 მიიღება ხელის მოწერა 1916

ყოველკვირეული სათეატრო, სალიტერატურო, სახელოვნო-სამხატვრო, საზოგადოებრივ შინაარსის სურათებიანი უფრნალი იუმორისტული განყოფილებით, შარუებით და კარიკატურებით

მომთხმ  
ფელიწადი

## „თეატრი და ცხოვრება“

ფელიწადი გამოსცემისა მომთხმ

1916 წელსაც გამოვა

ფლიურად  
5 მან.  
ნახ. ფლ.  
3 მან.

ჩვეულებრივი სრული პროგრამით, უკვე ცნობილი რედაქციით, სახელმძღვანელო და ახალგაზრდა მწერალთა მონაწილეობით.

უფრნალი პარტიათა გარეშე, პროგრესული მიმართულებისა უფრნალში ხუთასამდე სურათი დაიბეჭდება

ნახი: ფლიურად ისევ 5 მ., ნახევ. წლით - 3 მ. ფულის შემოტანა ნაწილ-ნაწილადაც შეიძლება. ხელის მოწერის დროს - 2 მ. მაისში - 2 მ. ენკენისთვის 1 მ. ვინც მთელი წლის გადასახალს ამ თავითვე შემოიტანს, ამა კრისტემობისთვის ნომრებიც გაეგზავნება. ხელის მოწერა მიიღება „სორაპანის“ სტამბაში (მადათოვის კუნძ. № 1, ვორონცოვის პატარა ხიდის ყურში, მუხრან-ბატონის სახ.) იოსებ იმედაშვილთან დილით 9-2 ს. საღ. 5-7 ს. ფოსტით: Тифлиტь. ред. „Театри да Чхovreბა“ - იოს. იმედაშვილი.  
ტელეფონი № 15-41. რედაქტორ-გამომცემელი ანნა იმედაშვილისა.

ამიერიდან მ. ჟუთაისში გამოდის ახალი გაზეთი

# „სამეშობლო“

გაზეთის ფასი: ფლიურათ 8 მ., ნახევარი წლით 5 მ., თვიურათ 4 აბ. ცალკე .ნუმერი ერთი შაური, დამატებიანი - 7 კ.

ესევე გაზეთი დაურიგდებათ „იმერეთის“ ხელის მომწერლებს.

გთხოვთ წერილები და ფული გზავნათ შემდეგის ადრესით: ქუთაისი, რედაქცია „სამშობლო“, თფილისის ქუჩა, სახლი პ. ი. გოკიელისა.

გაზეთს ყოველ კვირა ექნება ნახატებიანი დამატება, დამატების გამოცემა დამოკიდებულია თანამგზავობთა რიცხვის გამრავლებაზე.

ვთხოვთ ომში დაჭრილთა და მოკლულთა ნათესავ-მეგობრებს მოგვაწოდონ მათი პორტრეტები.

ვთხოვთ აგრეთვე ადგილობრივ დაწესებულებას და საზოგადო მიადვანწებს გვიგზავნონ პორტრეტები.

მოწვეულნი არიან ცნობილნი და საუკეთესო მწერალ-თანამშრომელნი. მათი სია ამ დღეებში გამოქვეყნდება.

რედაქტორი ი. თ. ცანცაძე.